

WANTOK

NIUSPEPA BILONG OL PAPUA NIUGINI STRET

Ernst & Young audited
circulation 15,177

28 pes

Namba 970

Wik i stat long Fonde, Febueri 4, 1993

40 toea



FREE

Bai kam klostu 'Bikpela Gem Nius' Olgeta Wik
FRI insait long olgeta Ragbi Lig Nius bilong Word Publishing

Plis putim was long Wabeg

PLIS long Enga provins i wok long putim was long provinsal hetkwata, Wabeg bihain long provinsal gavman i pinisim provinsal seketeri, Luke Kembol.

Ol i askim pinis olgeta plisman long go long wok stat long asde apinun. Bikos ol i pret nogut sampela trabel i kamap bihain long ol i pinisim Kembol long wok seketeri.

Plis i pasim tupela bikpela rot i go insait long taun, na i wok long sekim olgeta pasindia long ka. Provinsal plis komanda i no bin stap long givim sampela toktok.

Primia Danley Tindiwi wantaim provinsal kabinet bilong em i bin pinisim Kembol, taim ol i kibung long dispela wik Mande.

Wanpela man i bin stap long taim primia i askim seketeri long go lukim em na tokim em long pinis. Man ya i tok primia na seketeri i bin tromoi han long dispela taim.

Primia Tindiwi i pinisim Kembol bikos em i bilip Kembol i no lukautim gut provinsal gavman mani. Na askim em long lusim opis hariap.

Seketeri na primia i no bin stap long givim toktok bilong tupela. Tupela wantaim i go pinis long Mosbi.

Nau yet ol i makim Philip Kikala olsem ekting seketeri. Kikala i salim pinis pas i go long olgeta wokman bilong gavman long wok bung wantaim inap ol i makim nupela seketeri long lukautim opis.



Fri wara saplai...Bikpela hevi bilong Mosbi em long wara. Tasol dispela ol man i no wari, bikos ol i gat fri wara saplai. Wanpela paip bilong karim wara klostu long Gaden Hil setelmen i bruk na ol lain ya i waswas gut tru i stap. Foto: Leo Wafiwa.

Namaliu na Pora go long Nesenel Kot

OLPELA Prait Minista, Rabbie Namaliu na Fainens minista bilong em Paul Pora bai kamap long Nesenel Kot long Mosbi long 8 Febueri.

Long aste taim tupela i go long kot, sinia Distrik Kot mejistret Dimiai Larelake i tok olsem i gat inap samting long soim olsem sampela paul pasin i bin kamap. Olsem na tupela i mas go long Nesenel Kot na banisim ol yet.


Em i tok olsem bihain long Stet Prosekyuta na loya bilong tupela i bin givim ol toktok bilong ol.

Long 20 Janueri taim tupela i kamap long kot, loya bilong ol i tokim kot olsem Mista Pora na Mista Namaliu i no bin mekim wanpela rong.

Olsem na ol i no ken sanap long kot. Tasol Stet Prosekyuta, Mala- i go moa long pes 3

INSAIT

• A s e m b l i
memba mani
goap...p3



•Gogol/Naru
timba...p7

• EHP sasim
laisen fip...15

• Boram haus • Nupela Kot • Tewai/Siasi
sik wara...p5 jas gen...p2 baileksen...p2

BAI-PATISEN GIAMAN TASOL: Momis

MESERY GUBAG i raitim

...nesenel gavman kamapim pinis provinsal atoriti

BAI-PATISEN komiti long ol provinsal gavman i no inap senisim tingting bilong nesenel gavman long kamapim provinsal atoriti.

Oposisen mausman bilong Provinsal Afeas, Pater John Momis i tok. Em i tok komiti i wok

long raun na giamanim tasol ol pipel long kisim tingting bilong ol. Tasol samting tru em gavman i gat tingting long rausim ol provinsal gavman na putim dispela provinsal atoriti bilong ol.

"Dispela nupela sistem bai senisim olgeta samting. Sapos

sentrel gavman i mekim samting i no stret, ol provins bai nogat pawa long toktok egensim dispela. Na tu ol ausait/ovasis lain na kampani inap long yusim dispela sistem long paulim ol pipel. Na yusim ol risoses bilong ol pipel long laik bilong ol.

"Olsem na mi laikim olgeta pipel insait long ol provins long toktok strong egensim dispela tingting bilong nesenel gavman. Taim gavman i givim tu long komiti long painimaut na wokim ripot i sotpela tumas.

"Sapos gavman i laik mekim

wok bilong em tru na sevim ol pipel, em i mas kamapim wanpela komiti bilong sekim konstitusen. Na komiti mas gat inap taim bilong raun na kisim tingting bilong ol pipel. Na kamapim ol senis bilong lukautim gut ol pipel i go moa long pes 3




HINO. BOS BILONG OL HAIWE.

Ela Motors

PORT MORESBY 229400 • LAE 433655 • RABAU 921988 • MADANG 822188 • GOROKA 721844 • MT HAGEN 521888
WEWAK 862255 • KAVIENG 942132 • KIMBE 935155 • TABUBIL 589060 • VANIMO 871254 • PORGERA 579367

Nupela kot jas



SUPRIM na Nesenel Kot nau i gat nupela jas.

Dispela nupela jas em Bernard B. Sakora bilong Tufi insait long Oro provins.

Jastis Sakora i bin wokim promis bilong em long ai bilong Suprim Kot long Mande. Ol lain husat i kamap tu em seketeri bilong Jastis, Solisita Jenerel, Presiden bilong Lo Sosaiti, Sief Ombudsmen, Komisina bilong Plis, Komisina bilong CIS na ol wokman bilong kot.

Jastis Sakora i bin holim wok olsem ekting jas inap long 6-pela mun pastaim long em i kamap jas tru.

Long taim Jastis Sakora i bin wokim promis long ai bilong kot, em i tokaut long holim strong lo bilong kot long wok bilong em na bihainim ol gutpela samting em ol jas husat i go pas i mekim pinis.

Em i tok long lukluk bilong em, wok bilong strongim mama lo bilong kantri i namba wan samting. Na em i laikim wok jastis i sanap em yet na ol narapela gavman bodi i no ken bagarapim wok bilong em.

Bihainim dispela toktok, em i tok dispela i no min olsem jastis dipatmen bai blong em yet. Ol pipel i ken wokim kain kain toktok tasol ol i no ken bagarapim bilong jastis long kantri.

Jastis Sakora i gat 45 krismas. Em i bin skul pastaim long Tufi komyuniti skul na bihain i go long Popondetta praimeru namel long 1954 na 1959.

Long 1960, em wantaim narapela 13 sumatin i bin winim wanpela skolasip bilong go skul long Australia.

Tewai/Siassi bai-ileksen inap bungim nau hevi

... sapos ol opisa no kisim pe

MESERY GUBAG i raitim

OL POLING opisa bilong Tewai/Siassi bai-ileksen long Morobe provins i laikim ilektral Komisen long baim ol stret long Fraide taim ileksen i pinis.

Sapos komisen i no baim ol, ol i no inap kaunim ol vot.

Ol i tok olsem ol i laikim gavman long baim ol nau bikos long las yia nesenel ileksen, ol i bin painim bikpela hevi tru long pe bilong ol taim gavman i no bin baim ol.

Wantok i bin traim long kisim toktok bilong provinsal ilektral opisa long Lae tasol em i no stap.

Na ekting ilektral Komisina i no bin stap tu long opisa bilong em long toktok long dispela.

Tenpela kandidate i resis long sia bilong Tewai/Siassi. Long taim bilong nominesen i kam inap nau, no gat wanpela trabel i kamap.

Ol kandidate husat i sanap resis long dispela bai-ileksen em Tala Kongo, Jonathan K. Soten, Jeff Somkaut, Yang Bukora, Willet M. Wilmallo, Moser Kago, Soling Zeming, Issac Narel, Saem Peter na Roy D. Aigar.

Olgeta vot bai pinis long Fraide, 5 Februari. Na ol bai stat kaunim ol vot long Sande apinun long 6 klok. Na ating ol bai tokaut long man husat i win long Tunde, 9 Februari.

Bai-ileksen bilong Tewai/Siassi sia i bin kamap bihain long Nesenel Kot i painim olsem olpela memba, Peter Garong i bin brukim lo bilong ol lida long 1990 taim em na foapela arapela memba, Melchoir Pep (Dei), Timothy Bonga (Nawae) na Galen Lang (Sumkar), i bin askim olpela praim minista Rabbie Namaliu long baim ol K100,000.

Ol i bin mekim olsem pastaim long oposisen i laik muvum vot i nogat bilip long gavman long mun Julai, 1990. Bikos long dispela taim, Mista Namaliu i bin askim ol long lusim ol wok bilong olsem minista. Na em bai putim ol nupela man.

Wanpela lidasip traibunel i bin kamap long sekim dispela. Traibunel i painimaut olsem ol i bin rong na salim ol i go long kot.

Nesenel Kot tu i painim olsem ol i rong. Olsem na kot i rausim ol long holim wok olsem memba bilong ol pipel. Na kamapim bai-ileksen bilong makim ol nupela lida.

Madang kaunsil amamas long senis

OL LOKOL gavman kaunsil long Madang i amamas tasol long tingting bilong gavman long senisim ol provinsal gavman wantaim sistem bilong provinsal atoriti.

Siaman bilong ol, Jack Nagg i tok olsem ol kaunsal memba bilong em i sapotim tasol plen bilong gavman. Na ol i bin tok save long bai-patisen, komiti taim ol i go raun long Madang long kisim ol tingting bilong ol long las wik.

"Mipela laikim olsem mipela (Madang) i mas namba wan provins long kisim dispela sistem. Bikos mipela i bilip olsem dispela sistem

inap luksave na bringim gut ol sevisi go long ol pipel insait long ol ples em provinsal gavman i abrusim long en," Mista Nagg i tok. Tasol em i tok, sapos gavman i laik larim provinsal gavman i

stap, ol i mas mekim sampela senis. Na dispela ol senis i mas kamap long rot ol inap bringim sevis i go long ol pipel. Bikos 80 pesen bilong ol pipel bilong PNG i stap long ol ples kanaka.

Kuskus kot long Rabaul

WANPELA yangpela musikman bilong Rabaul, Chris Kuskus i bin kamap long Rabaul distrik kot na baim K30. Kot i painim em i rong long karim liklik poket naip long pablik ples.

Ol witnes bilong plis i tokim kot olsem long Mande, 18 Janueri, Kuskus i bin kalap long ka wantaim ol arapela pasindia. Na plis i lukim ol i no ron gut long rot.

Ol plis i stapim dispela ka na sekim ol. Taim ol i wok long sekim ka, ol i painim wanpela liklik poket naip long Kuskus.

Plis i bin sasim Kuskus long dispela na tokim em long sanap long kot.

Lokol gavman presiden laikim Bai-patisen komiti go tu long Wes Nu Briten provins

PRESIDEN bilong Kove Lokol Gavman Kaunsil long Kimbe, Samson Giva i laikim Bai-patisen komiti long go raun tu long Wes Nu Briten provins.

Mista Giva i tok komiti

i no mekim gutpela pasin long go raun long ol arapela hap long Niugini Ailan rijon (NGI) na lusim Wes Nu Briten provins i stap. Bikos dispela hap i wanpela hatpela provins tru

namel long olgeta provins long NGI rijon.

"Ol i no laik go raun pastaim long Wes Nu Briten na bihain i go raun long ol arapela liklik provins olsem Manus na Nu Ailan. Ol

i mas kam hia na kisim tingting bilong ol pipel long dispela provinsal gavman sistem.

"Mipela ol kaunsal presiden na ol viles lida i laik toktok na givim tingting bilong mipela

long we ol provinsal gavman i save wok.

"Sapos ol i go raun long ol bikpela senta tasol, ol provinsal gavman memba bai givim ol giaman toktok nabaut. Na ol i no inap toktok tru long samting i wok long kamap. Olsem na mipela laikim komiti long kam stret long ol ples na kisim toktok bilong ol pipel provinsal gavman i save tok em i sevim," Mista Giva i tok.

Em i tok em i no amamas long dispela grup bilong Wes Nu Briten husat i go long Rabaul long givim ol tingting bilong ol long Bai-patisen komiti.

Ol Talasea wet yet long lukim Lowa

OL PIPEL bilong Talasea Open long Wes Nu Briten provins i laikim memba bilong ol, Patterson Lowa long go bek na stretim hevi bilong lo na oda nau i wok long kamap bikpela.

Dispela askim i bin kam bihain long planti trabel i kamap long Kavugara na Hoskins welpam setelmen. Long taim bilong trabel, moa long 1,000 pipel i lusim ol blok na go bek long ol provins bilong ol. Bikos ol i pret long ol asples lain.

Man husat i makim maus bilong ol pipel long hap, Gerry Luru i tok olsem taim ol i bin makim Mista Lowa olsem memba bilong ol long las yia, ol

i no lukim pes bilong em yet.

Na ol i tok sapos em i stap long sampela hap long kantri o long Mosbi, em i mas ritim niuspepa o harim radio long ol hevi nau i wok long kamap long ilektral bilong em.

"Wok bilong em olsem memba bilong mipela em long harim na traim long stretim ol wari bilong ol pipel. Bikos ol pipel bilong Talasea i bin makim em long kamap mausman bilong ol insait long palamen.

"Na dispela pasin nau em i mekim i soim ples kila olsem em i no wanpela strongpela lida.

PLIS RIPOT



KIMBE: Plis i holim pasim pinis 4-pela man em ol i bilip husat i bin kukim CIS opis long Lakeimata. Dispela trabel i bin kamap long Februari 1 long samting olsem 1 klok moning.

Plis i givim nem bilong dispela tripela man olsem Dominic Moin bilong Yangoru long Is Sepik provins, Jim Kasai bilong Okapa long Isten Hailans provins, na Michael Meke bilong Galp provins.

Ol dispela lain i bin stap wantaim long Lakeimata haus kalabus na i bin kam ausait long las wik.

Plis i bilip ol i bin plenim long taim yet long kukim opis taim ol i stap long kalabus. Na ol i bin stadim gut olgeta woda taim ol i go i kam long opis.

Na long namba wan nait bilong mun Februari, ol i go long Lakeimata na yusim pensin na dainamat long kukim opis. Plis i no save long wanem hap ol dispela lain i kisim dainamat.

Provinsal plis komanda, Titus Pamben i tok ol kas ya i mekim olsem bikos ol i laik bagarapim olgeta rekot bilong ol kalabus man. Bikos ol i no laikim ol i gat ripot nogut.

Pe bilong bagarap log CIS opis i kos moa long K60,000.

KIMBE: Wok bilong "Operesen klinim Wes Nu Briten" i wok long kamap gut. Olsem na raskol pasin long provins i wok long go daun, stat long taim ol i statim operesen i kam inap nau.

Long dispela wik Tunde, plis i bin holim pasim wanpela man na sasim em long kukim haus bilong Michael Jack long las yia. Plis i givim nem bilong dispela man olsem Kuri Mengane. Em i gat 24 krismas na i bilong ples Geremo insait long Simbu provins.

MADANG: Wanpela kalabus man i bin ranawe long Beon haus kalabus long bikmoning tru. Dispela em long namba wan de bilong dispela mun.

Plis i givim nem bilong dispela man olsem Joseph Imbo Kagele. Mista Kagele i gat 25 krismas, na i bilong Kerowagi insait long Simbu provins.

Plis i tok Kagele em i wanpela bilong 4-pela man em nesenel kot long Madang i bin salim ol i go kalabus long 10-pela yia. Dispela em long sas bilong kilim wanpela plisman. Birua ya i kamap long samting olsem 4-pela mun i go pinis.

Plis i tok Kagele i bin go wok wantaim ol arapela 19 kalabus man. Ol arapela i wok i stap em i kalabim banis na ranawe.

Provinsal plis komanda, Pius Sipelung i tok Kagele em i wanpela biknem raskol. Olsem na ol pipel i mas toksave long plis sapos ol i lukim em. Plis wantaim ol woda i bin traim long painim em tasol ol i no inap.

Kagele i gat rekot nogut, em i bin kalabus 10-pela yia long kilim plisman, narapela 8-pela yia long stil narapela 6-pela yia gen long stil long haiwe. Plis i pret nogut em i kamapim sampela bagarap. Olsem na ol i laikim ol man long toksave long ol hariap sapos ol i lukim kain man olsem Kagele.

KIUNGA: Ol plisman long Kiunga i holim pasim pinis 56 refuji bihain long wanpela trabel em i bin kamap long Is Awin refuji kem. Long dispela wik Tunde 30 refuji i bin kamap long Kiunga Distrik Kot long sas bilong bagarapim ol samting long kem. Na kot i tokim olgeta long baim K80. Narapela 26 i stap yet long plis sel na wetim kot bilong ol.

Plis ripot i soim olsem long las wik ol refuji i bin brukim haus em ol opisa husat i lukautim kem i save putim kaikai. Na bagarap ol kaikai olsem rais na tinpis. Bagarap ol i kamapim i kos moa long K2,000.

Ol refuji i bin wokim dispela samting bikos ol i no bin amamas long ol opisa husat i lukautim kem. Ol opisa i bin sasim ol lain husat i yusim moto o ka bilong kem long i go i kam long Kiunga.

Long dispela taim, ol i bin rausim plak bilong Yunaited Nesens Hai Komisn bilong Refuji (UNHCR), na putim plag bilong ol rebel paitman bilong Jayapura (OPM) i go antap.

Madang asembli memba pinis bai kisim K26,000

OL PROVINSAL memba bilong Madang i bin holim wanpela spesel kabinet bung long dispela wik Mande na Tunde.

Na long dispela bung, ol i toktok long planti samting.

Wanpela, em tingting bilong nesanel gavman long saspenim provinsal gavman.

Narapela em long lo i toktok long hamas mani ol inap kisim olsem pinis pe bilong ol. Sampela i bin askim long kisim moa long K40,000 olsem pinis pe long wok olsem memba long ol konstituensi

bilong ol.

Long dispela taim, provinsal Edukesen minista, Benny Ulul i bin bringim wanpela sabmisen long sensim lo i karamapim pinis pe bilong ol memba taim ol i pinis long asembli. Ol i bin orait long dispela lo.

Olsem na stat long 1 Februari, nupela senis long pinis pe bilong ol memba i lo. Hap bilong dispela lo i tok olsem Madang provinsal gavman bai baim 200 pesen antap long pinis pe bilong ol

memba.

Aninit long olupela lo, provinsal gavman i save baim 100 pesen antap long pinis pe bilong ol memba taim em i pinis long dispela wok. Na wan wan memba yet i save baim K50 long olgeta fotnait olsem seving bilong ol long kisim bek taim ol i pinis long wok.

Dispela i soim olsem wan wan memba i save putim K1300 long dispela fan long olgeta yia. Na bihain long 5-pela yia sapos em i pinis, em bai putim K6,500 olgeta.

Aninit long olupela lo, provinsal gavman i save baim 100 pesen antap long dispela. Olsem na wan wan memba i save kisim K13,000. Tasol aninit long dispela lo, ol memba bai kisim K26,000 taim ol i pinis long asembli olsem memba.

Ol i bin kamapim wanpela lo tu olsem ol lain husat i yusim nating ol provinsal gavman ka bai peim K100 o go kalabus inap long tripela mun.

Na ol pipel husat i ken yusim ol

dispela ka em ol wokman bilong provinsal gavman, dipatmen bilong Madang, komyuniti gavman o wokman bilong wanpela bisnis han bilong provinsal gavman yet.

Long dispela taim, ol i bin toktok tu long developmen bilong simen fektori long Saidor na pis fektori long Alexishafen. Olsem na long Trinde, 3 Februari Primia Andrew Ariako i kisim wanpela grup i go long Mosbi long toktok wantaim praim minista na ol minista bilong em long dispela samting.

Wol Beng tok PNG inap kamap ol risman Namaliu na Pora go long Nesanel kot

ELLIOT RAPHAEL
i raitim

WANPELA dairekta bilong Wol Beng i tok Papua Niugini i gat planti minerel o samting long graun inap long wokim kantri i kamap ris moa yet.

Mis Marianna Haug, meri husat i save bosim wok bilong Wol Beng insait long Is Esia na Pasifik allan rijon i mekim dispela toktok taim em i bung wantaim Deputi Praim Minista na minista bilong Fainens na Plening, Sir Julius Chan long asde.

Em i tok tu olsem long nau yet, Papua Niugini i no gat ol gutpela ekspirians wokman na masin long helpim ol wok developmen. Tasol em i tok Wol Beng bai amamas long givim helpim sapos gavman bilong Papua Niugini i askim.

Tasol Mis Haug i tok Papua Niugini i kamap hariap tru long las 20



• Mis Marianna Haug, meri husat i save bosim Wol Beng insait long Is Esia na Pasifik allan rijon i bung wantaim Deputi Praim Minista na minista bilong Fainens na Plening, Sir Julius Chan.

krismas. Na em i mas lukluk i go het yet long planti gutpela samting em Wol Beng bai amamas long givim.

Wol Beng i givim pinis planti helpim long Papua Niugini. Na dispela wokabaut bilong

Mis Haug i bilong strongim tingting bilong Wol Beng long helpim yet kantri.

Pastaim long Mis Haug i mekim ol dispela toktok, Sir Julius i bin givim draipela tok tenkyu long ol gutpela

helpim Wol Beng i save givim long kantri.

Em i tok taim gavman i bin paitim toktok long 1993 baset, ol i kamapim tu plen bilong sampel wok kamap em ol kain grup olsem Wol Beng inap helpim long kirapim.

i kam long pes 1 ki Unagui i tok olsem i gat inap samting pinis long soim olsem tupela i bin brukim lo bilong ol lida. Na tupela i mas kamap yet long Nesanel Kot.

Mejistret Larelake long dispela taim i surikim de bilong kot i go long 3 Februari. Na em i tok long dispela taim, em bai tokaut sapos em bai salim tupela i go long Nesanel Kot o rausim dispela kot.

Olsem na long asde, 3 Februari taim ol i kamap long kot, em i tok olsem tupela i mas kamap long Nesanel Kot long Mosbi long 8 Februer. Bikos ol samting em i bin kisim i soim olsem sampela rong i bin kamap taim tupela man ya i holim wok olsem praim minista na fainens minista long 1990.

Em i tok dispela i bin kamap klia long ol witness husat i bin givim tok bilong ol long

Ombudsmen Komisen taim ol i sekap long wok bilong ol long gavman.

Sampela bilong ol lain husat i bin givim toktok long soim olsem tupela i bin rong em Praim Minista Paias Wingti, Seketeri bilong Komyunikesen na Infomesen dipatmen Lindsay Lailai, ol opisa bilong Fainens dipatmen na long ol pas em Mista Namaliu i raitim i go long foapela memba bilong palamen.

Australia bai givim yet K700m long Baset Sapot

DEPUTI Praim Minista na minista bilong Fainens na Plening, Sir Julius Chan i tok ol wok helpim bilong Tred, Fainens, na ol narapela samting namel long Australia na Papua Niugini i stap strong yet.

Sir Julius i tokaut long dispela taim em i bungim mausman bilong gavman bilong Australia, Allan Taylor. Mista Taylor bai go bek gen long Australia.

Em i bin stap long PNG inap long 4-pela krismas.

Long taim Sir Julius i gavim tok amamas long Mista Taylor, em i tok long taim bilong Mista Taylor planti gutpela samting i bin kamap namel long tupela kantri.

Taylor i bekim na tok em i amamas long lukim olsem ol wok namel long tupela kantri i go het gut na em i laik bai wankain pasin i mas stap.

Bihainim ol toktok bilong ol helpim i save kam long ol kantri olsem Australia, Sir Julius i tok gavman bai lukluk nau long katim dinau mani em i save kisim long ol ovasis kantri na

oganaisesen.

Ol i bai lukluk tasol long kisim helpim long ol projek em gavman i kamapim pinis o tingting long kamapim.

Aninit long wanpela tok orait ol i bin sainim long mun Septemba las yia, gavman bilong Australia i soim pinis olsem long 1992 i go inap long 1997, bai ol i givim samting olsem (A\$1040m) o K700m aninit long Baset Sapot.

Long Join Program Eit, bai ol i givim klostu long (A\$516m) o K300m.

Sir Julius i tok tu olsem gavman nau i givim bikpela mani wok long Edukesen na dispela i soim tingting bilong ol long helpim ol skul pikinini long Papua Niugini

Em i askim tu ol papamama bilong ol skul pikinini long no ken bel sut hariap na kros long gavman i no stretim wari bilong ol long wanem gavman i wokim pinis bikpela samting long ol.

Momis tok Bai-patisen komiti giaman tasol

i kam long pes 1

bilong PNG. I no olsem nau ol i mekim.

"Bikos samting ol i laik mekim i no pilai samting. Em i wanpela bikpela senis tru em inap long kamapim o bagarapim kantri olgeta. Yumi mas traim na painimaut wanem samting i rong wantaim sistem na stretim. I no rausim olgeta," Pater Momis i tok.

Long bekim tok bilong em, Provinsal Afeas na Viles Sevises minista, John Nilkare i tok olsem pasin Pater Momis i mekim i no gutpela. Bikos em i toktok long wanem samting em i ting olsem gavman i laik mekim. Na i no painimaut gut pastaim.

Mista Nilkare i tok i tru olsem Bai-patisen Komiti i mekim wanpela bikpela samting tru nau. Na i gat bikpela hap wok i stap bilong ol long mekim pastaim long ol i givim ripot bilong ol long palamen.

"Em (Momis) i bin holim wok olsem minista bilong Provinsal Afeas longpela taim liklik. Na em i mas karim sampela hevi bilong ol samting i wok long go kranksi nau wantaim ol provinsal gavman insait long kantri.

"Sapos em i tingting long helpim ol grasrut pipel, em i mas sapotim dispela wok, Bai-patisen Komiti i mekim. Na givim ol sampela gutpela tingting long rot bilong bringim ol sevis i go long ol pipel," Mista Nilkare i tok.

TOB

TORO I KISIM NUPELA HAUS LONG HOS KEM LONG KILAKILA... NALI EM GO SELEBRE7 WAN-TAIM OL PORO...

EM SPAK NOGUT TRU NA TEK-OFF I GO LONG NUPELA HAUS BILONG EM...

(HIC!)... BAI MI GO TOKIM KOLE LONG STRETIM BET... NUPELA HAUS NA... YU SANE (HIC)

EM ABRUS NA KAMAP LONG NARAPELA HAUS NA SINGAUTIM LEWA BILONG EM...

HEY, LEWA! MAI LEWA... STRETIM BET MI LAIK SILIP INDAI LONG NUPELA HAUS!... HARIAP!

MAN BILONG HAUS I HARIM NA EM ASKIM MERI BILONG EM...

EM HUSATI SINGAUT LEWA LONG YU NA TOKIM YU LONG STRETIM BET, A?? HUSAT?

MI NO SAVE?

OLGETA MAN INSAIT LONG HAUS I MUMUT IKAM AUT...

HEY, YU SANAP? YU TOK WANEM LONG MERI?

POF!!

ZOOM-

DISAPIA...!

YU SAFA TRUA?

MAN, TORO I LUKIM OLSEM EM RONG HAUS NA EM DISRPIA OLSEM PANTOM... (GHOST WHO WOKS)...

WANTOK

NIUSPEPA BILONG OL PAPUA NIUGINI STREET

Kompyuta sik kamap pinis long Papua Niugini

No gat fri edukesen

Toktok bilong fri edukesen no pinis yet. Long dispela wik, ol lain bilong PNG tisa Asosiesen i bin traim klialm sampela toktok insait long dispela polisi bilong fri edukesen.

Skruium yet long las wik, moa toktok long ol hevi i kamap gen. Pastaim long nesenei gavman i kamapim dispela polisi, planti narapela wok tu i no bin kamap bilong redim ol pipel, papamama, pikinini na ol tisa

Long wok bilong lukautim mani na yusim stret long ol wok tu bai kamapim moa hevi long ol komyuniti skul. Bikos planti het tisa i no klia long falnens menesmen lo i karamapim kain wok olsem long lukautim na yusim mani.

Klia tok long dispela i kamap tu olsem i no gat kain samting olsem fri edukesen. Wanem samting i kamap nau em hap hap edukesen; na i wankain liklik olsem long bipo i stap long en. Tasol wanpela samting nau bikpela wok na mani bilong lukautim na stretim skul bai kam long han bilong ol papamama.

Ol tisa na bod ov menesmen inap yusim dispela sans nau long sasim bikpela fi antap long ol papamama. Bikos ol i laikim mani bilong ranim na lukautim skul na kamapim ol kain kain projek.

Tasol lukluk gut, ating dispela kain pasin bilong skul bai brukim pipel long ol risman na ol grasrut. Na tu, tingting bilong skulim olgeta pipel long yia 2000 i no inap karim kaikai.

WINIS MAP I raitim

KOMPYUTA nau i wok long kisim ples bilong

dispela skul em Rene Gabor. Em i bilong Filipin Ailan long saut is Esia. Long laip na wok bilong em, Mista Gabor:

Taim em i statim dispela kompyuta skul bilong em long mun Jun, Mista Gabor i bin lainim ol sumatin long

wok bilong kompyuta progrem, na long yusim ol Lotus 1,2,3 na Word Perfect.

Long taim bilong Krismas, em i bin lainim tu ol liklik pikinini husat i gat krismas namel long 6 na 12-pela yia long pilai wantaim kompyuta. Na dispela i pinis long mun Januəri long dispela yia.

Dispela liklik skul em i givim long ol pikinini bihain i bringim moa gutpela toktok na bekim long Mista Gabor. Na planti papamama i laikim em long kamapim moa wankain skul olsem.

Kos fi em Microbase Computer System i save sasim long ol man na meri i daunbilu tru. Na ating, i winim tu planti arapela kompyuta skul long kantri. Kos bilong lainim long yusim kompyuta long raitim ol samting em K2 long wanpela awa.

Dispela hap toktok i no kamap nating. Nogat. Long nau yet, moa nem i wok long kam insait long skul bilong yusim kompyuta long raitim ol samting. Dispela em tupela wik tasol bihain long tok save bilong skul i kamap.

Microbase Computer System i save givim tripela kain trening. Wanpela em ol trening bilong oltaim em ol pipel i save laikim


long en. Narapela em ol i save skulim ol lain husat i laikim tisa long stap klostu long ol na las trening em bilong ol kampani husat i laikim ol wokman i kisim moa trening long wok wantaim kompyuta.

Mista Gabor i tok, "Microbase Computer System i daunim kos fi long helpim ol lain husat i no gat wok na i laikim sampela kain save long wok na kisim liklik mani. Olsem bai ol inap painim wok long taim bihain."

Microbase Computer System i gat tupela tisa, Carmelo Imperial na Agnes Posong.

Mista Carmelo i bilong Filipin Ailan na Mis Posong i bilong Manus. I gat narapela tisa gen bai kam long Filipin Ailan long helpim tupela.

Carmelo i wanpela save man bilong kompyuta na em i gat 4-pela yia eksperiens long wok tisa. Bikpela tingting bilong Carmelo em long lainim ol Papua Niugini manmeri long ol kain kain kompyuta progrem. Na tu long kamapim sampela bilong ol yet. Bikos em i no laikim Papua Niugini i yusim progrem em ol save-man bilong ol arapela kantri i kamapim long en.



• Ol tisa bilong Microbase Computer System i sanap long kisim poto. Long lephan na i go em Rene Gabor (skul dairekta), Agnes Posong na em Carmelo Imperial. Tupela tisa husat i wok long skulim ol sumatin em Posong na Carmelo taim Rene i go pas long stretim ol pepa wok bilong skul.


man long mekim ol wok. Na i helpim tu long katim taim bilong man long wok.

Long mun Jun las yia, wanpela nupela skul bilong lainim long wok wantaim kompyuta masin i bin kamap long Mosbi. Dispela skul em Microbase Computer System.

Man husat i statim

i bin winim 20 yia eksperiens long wok wantaim kompyuta masin.

Long ol wok bilong em, Mista Gabor i save wok wantaim ol Cobol progrem bilong kompyuta. Na em i bin skulim tu planti arapela long dispela Cobol progrem taim em i stap long Filipin Ailan.



• Sampela sumatin bilong Microbase Computer System i skul long yusim kompyuta long raitim ol samting. Tupela tisa, Posong na Carmelo i sanap long baksait na skulim ol sumatin long yusim kompyuta. Poto Winis Map.

Tupela man dai long balus

TUPELA man i bin dai long Mande na wanpela i kisim bagarap taim balus ol i ron long en i bagarap na pundaun long Gumine, Simbu provins.

Dispela balus i bilong Simbu Eviesen. Ripot i tok bikpela klaut i pasim ai bilong pailot na balus i pundaun long Mande moning.

Dispela balus i lusim Kundiawa na i laik go long Karamui. Em i bungim trabel long rot na pundaun long Gumine. Long dispela taim, balus i

bin karim tupela pasindia na palot yet i wokim namba tri.

Plis i no inap givim nem bilong dispela ol lain. Palot i wanpela waitman na tupela pasindia i bilong Karamui. Palot wantaim arapela pasindia i dai na narapela pasindia i kisim bagarap tasol.

Provinsal Plis Komanda, Inspekta Nema Mondia i tok plis i kisim tok save long 5 klok apinun sampela awa bihain long dispela birua na kisim ol tripela man ya i go long Kundiawa haus sik.

WANTOK

NIUSPEPA BILONG OL PAPUA NIUGINI STREET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00





□ **KANAGE** go spak wantaim ol poro pinis na wokabaut i go bek long haus. Long han em holim wanpela ful botol. Kamap long haus, em lusim ful botol antap long tebol na go slip indai i stap. Long bikmoning tru, pikinini man bilong em kirap lukim botol antap long tebol na ting olsem loliwara. Boi kisim tasol na apim i go inap botol i pinis. Em nau i no longtaim na samting kikkbek nau. Het bilong pikinini i raun na em lukim olgeta samting olsem tupela. Em ting olsem graun i stap antap na skai i stap daunbilo. Boi kirap tasol laik putim lek i go ausait long haus nogat, em hetwin olsem balus i go planim stret long graun daunbilo. Em paitim pes antap long graun na pes bilong em i senis olgeta. Taim meri bilong Kanage i kam ausait na lukim pikinini olsem, em i kisim hap paiawut i slip i stap na senisim pes bilong papa tu i go wankain olsem nupela bilong pikinini.

Pante Bonai,
Vanimo, W.S.P.

□ **WANPELA** meri Total save stap long Haus Sempion hostel long Mosbi. Wanpela Fraide nait, meri nogut i go killim-skin stret long danis long Taurama Ami Bareks. Taim danis i pinis, em i go bek long hostel na slip driman long wanpela yangpela soidia bol bilong Sapot Kampani. Bikmoning tru, gel kirap waswas pinis na dresap i stap. Bihain em kisim glas na stallim gras bilong em na hangamapim ring long yau bilong em. Em glasim mira i go daun long lek bilong em na tok, "Yu lap i stap. Kanage kam bai yu kisim taim." Ol gelpren bilong em harim olsem na killim skin stret long lap.

Ben Taumal,
Madang.

□ **KANAGE** bin stap olsem wanpela memba long Nesenel Palamen. Kibung i kamap na Spika i givim taim bilong ol kwesten. Kanage i kirap adresim sia bilong Spika pinis na sutim han bilong em i go long wanpela memba meri husat i holim wok olsem minista bilong Wimens Afeas, Yut na Spot. Taim Kanage i tromoi askim bilong em pinis, meri ya i kirap na tokim Spika, "Mista Spika, i tru olsem kwesten bilong Kanage i no hat, mi no inap bekim nau. Bai mi mas tingting gen pastaim na bekim askim bilong em." Kwiktaim Kanage i kirap singaut i go long Spika na tok, "Orait, mi kamautim kwesten bilong mi na tromoi long plua na ol arapela memba i ken pilai pilai long en."

Pante Bonai,
Vanimo, W.S.P.

Boram haus sik kisim gen wara

ELLIOT RAPHAEL i raitim

BORAM haus sik insait long Is Sepik bai kisim wara gen.

Tok orait bilong dispela i kamap bihain long ol bikman bilong haus sik long Wewak i baim sampela hap

bilong dinau ol i gat wantaim Wata Bot.

Wata bot long Wewak i bin katim wara i go long haus sik long Tunde las wik long wanem ol i gat K62,000 dinau.

Planti sikman na meri i bin kisim taim.

Olsem na suprintenden bilong haus sik, Michael Laiam i pasim haus sik na salim moa long 300 sikman na meri i go bek long ol ples bilong ol.


Long Fraide, Dipatmen bilong Is Sepik i kisim wanpela oda

pepa bilong Nesenel Kot long Waigani olsem Wata Bot i mas pulim wara i go bek gen long haus sik.

Bihainim dispela, Nesenel Kot jas, Jastis Arnold Amet i salim wanpela kot oda i go long Wata Bot long ol i mas pulim wara i go bek long haus sik inap

long kot i sindaun gen long Mande long stretim toktok long dispela hevi.

Taim *Wantok Nius-pepa* i askim long Mande sapos ol i sindaun pinis, kot i tokaut olsem Boram haus sik i baim pinis dinau bilong ol na bai ol i pulim wara i go bek.



• **Mabol Mato** (namba tu long raitan) bilong Buang long Morobe provins i sanap wantaim ol wantok bilong em long Jacksons ples balus, Mosbi long las wik. Em i bin go skul long Filipin allan long menesmen kos na kam bek. Na nau em i redi long helpim ol rurel pipel bilong em long wanem kain save em i lainim long hap. *Poto: Eddie Saunders.*

Wes Nu Briten gat 7-pela de long makim nupela primia

I GAT 7-pela de i stap yet na ol pipel bilong Wes Nu Briten bai save husat tru em primia bilong ol.

Long nau yet, tripela strongpela politisen i resis long kamap primia. Ol dispela man em olpela primia Bernard Vogae, namba tu primia bilong provinsal gavman nau, Gabriel Bakani na Primia Robert Lawrence.

Sampela ripot i tok olsem Mista Bakani i tingting strong tru long kamapim nupela gav-

man. Ol memba husat i stap long kem bilong Bakani nau em Joe Uma - Wes Bakovi, Philip Ragi - Sentrel Nakanai, Paul Wakme - Wes Gasmata, Robert Kusak - Passis-manua, Luke Muta - Bariai, Pinisly Koiyake - Palang Asengseng na David Nasar - Kilenge/Lolo.

Dispela i bringim namba bilong ol memba long kem bilong Bakani i go long i go moa long pes 7

Madang komyuniti lida laikim ol setelmen go long Sisiak na Mero

WANPELA komyuniti lida long Madang i laikim provinsal gavman rausim ol setelmen bilong ol lain husat no gat wok long taun.

Man ya John Kosi, i tok olsem gavman i wok long isi isi tumas. Na planti bilong ol i no kisim tok orait bilong gavman na kamapim ol setelmen long laik bilong ol yet. Na namba bilong ol i wok long go antap yet.

Mista Kosi i tok sapos gavman i no was gut, dispela ol ples inap kamapim moa raskol na bikhet man. Em i tok planti setelmen olsem insait long Madang i wok long kamap nat-ing.

Madang Taun Atoriti i no givim tok orait long wokim ol dispela setelmen.

Olsem na em i laikim provinsal gavman long strong na rausim ol dispela lain nau.

Na ol pipel husat i gat wok tasol i ken stap. Em i tok gavman i mas painimaut long hamas pipel i stap nau long ol setelmen. Na painimaut tu long hamas pipel i wok long hap. Na hamas pipel i no gat wok.

Na taim em i pinisim dispela, em i mas rausim ol dispela lain husat i no gat wok i go bek long ples bilong ol. Na provinsal gavman i mas muvim ol lain husat i gat wok i go stap long Sisiak na Mero arere tasol long Madang taun.

Taim dispela i kamap, gavman i mas putim ol samting olsem pawa na wara saplai i go.

DO YOU REALLY MEAN BUSINESS ?

Then don't keep it to yourself Tell Papua New Guinea through



PNG

BUSINESS

TU MINIT TINGTING

OL LO BILONG GOD NA OL LO BILONG MAN

TUDE yumi laik toktok liklik long sapta 5 bilong Matyu. Insait long ol 48 lain bilong dispela sapta, planti taim Jisas i tok, "Ol loman bilong ol Juda i tok olsem; tasol mi tok narakain." Planti taim long Nupela Testamen, Jisas i kapsaitim ol lo bilong ol Farise na ol saveman bilong lo. Ol Juda i pinisim Jisas, bikos long tingting bilong ol, em i brukim lo bilong God. Tasol em i no brukim lo bilong God; em i brukim lo bilong ol man tasol.


Tude long olgeta relisen long graun, i gat dispela pait na resis namel long lo bilong God na lo bilong ol man i ting ol i helpim lo bilong God. Yumi lukim ol Juda yet. God i givim 10-pela lo ong Moses. Em tasol. Na inap long nau, ol hetman bilong ol Juda i bin pulapim 523 buk wantaim ol lo, ol yet i bin wokim bilong kliam dispela 10-pela lo bilong God. Planti taim long Nupela Testamen, Jisas i bin tok egens long planti dispela lo. Watpo?

Bikos ol man i bin raitin; God i no bin raitim.

Em tasol i as bilong trabel insait long olgeta relisen bilong graun. Ol wan wan i kisim sampela aslo long God bilong ol. Tasol nau ol pris na hetman na lida bilong ol i wokim planti planti lo gen bilong kliam tingting long dispela aslo bilong God. Na bihain long liklik taim, ol dispela lo bilong ol man i kisim pawa i winim pawa bilong Tok bilong God.

Wanpela de wanpela man bilong god i givim strongpela tok long wanpela savemeri. Em i tambuim em long kain kain samting. Nau dispela meri ya i tanim long minista ya na i askim, "Pasto, bilong wanem yuting God i mas bihainim ol dispela lo, yu yet yu bin wokim?"

Em i wanpela gutpela askim tru. Em i as bilong planti trabel. Ol man nating i wokim ol lo ... na ol i ting God i mas bihainim ol. Ol i ting ol i husat na ol i



FRANK MIHALIC i raitim

bosim God?

Yumi tingim tasol ol Kristen sios bilong yumi. Olgeta ol i holim Nupela Testamen, na ol i tok ol i bilipim olgeta tok bilong dispela Nupela Testamen. Ol i save tok, ol i no bilipim ol tok i, no stap long Nupela Testamen. Tru, a? Sapos i olsem, bilong

wanem na wan wan sios i putim spesel kain mining long sampela tok bilong Nupela Testamen? Long wanpela hap maus ol i save tok: Nupela Testamen em i Tok bilong God. Na long narapela hap maus ol i save tok, mining bilong ol tasol i stret; na bilong ol arapela lain Kristen i kranki. Orait, nau wanem tok i tru: tok bilong God i stap long Nupela Testamen, o tok bilong ol dispela man/meri nating i stap ausait long Nupela testamen?

Mi givim wanpela eksampel nau. Wanpela karismetik grup i wokim lo bai ol i tambu olgeta long kaikai long tripela las de bilong holi wik. Nau sampela visita i kamap long haus bilong lida long Holi Sarere yet. Ol i hangre na em i marimari long ol na redim liklik kaikai long ol. Nau sampela memba i lukim smok i kamap long haus kuk bilong lida na ol i komplem long sampela hetman olsem: "Bilong

wanem na lida i brukim lo bilong yumi na i kukim kaikai? Yupela mas krosim em."

Tasol wanpela lapun hetman i tok: "Ol pren bilong mi, yupela harim nau. I tru, pasto i brukim lo yumi yet i bin wokim. Tasol em i bin bihainim gut lo bilong God, husat i bin tok yumi mas givim kaikai long ol manmeri i hangre."

Em nau! God na Jisas i no bin wokim planti lo. I gat tupela aslo tasol: laikim God na laikim ol arapela manmeri. Klostu olgeta relisen long graun i sanap long dispela tupela lo tasol. Ol arapela tok na lo bilong ol, em ol man nating i bin wokim. Tasol sore, tude insait long olgeta relisen bilong graun, lo i bin kamap long God i save resis wantaim ol lo i kamap long ol man. Na ol dispela lo bilong man i save rausim planti man i go longwe long God. Sore.

PNG misineri kamap bisop long Amerika

FRANK MIHALIC i raitim

POP JON Pol i bin mekim Pater Dominik Carmon, SVD, long kamap bisop i mas sambai helpim asbishop bilong biktaun Nu Olins long Amerika.

Pater Dom em i wanpela blakskin Amerika husat i gat 62 krismas na i bin wok inap long 6-pela yia long Is Sepik provins aninit long Asbishop Leo Arkfeld.

Tude Bisop Leo i tingim Pater Dom na i tok amamas long wok bilong em.

Em i tok olsem, "Pater Dom em i man bilong hatim wok na taitim bun tru.

Insait long 4-pela yia em i stap long Kaugia,

em i bin skulim na trenim na redim ol bikpela klas tru long kisim baptis. Na olgeta taim i gat wanpela spesel selebresen o lotu, Pater Dom i save pulim planti pipel moa i kam. Em i pasin bilong em. Em i win long dispela."

Ol bisop long Amerika tu i save tok amamas long wok bilong Pater Dom.

Inap long 9-pela yia em i bin bosim sampela bikpela peris bilong ol blakskin Amerika long Sikago. Insait long ol dispela yia, em i kamap memba bilong stiaim wok bilong Katolik Komiti bilong wok redio

na wok televisen. Em i gat biknem tu long helpim ol blakskin na waitskin bilong ol Kristen Sios long bung na wok gut wantaim. Em i bin stap siaman bilong kalsa komiti i bosim selebresen bilong ol Bakskin Katolik long taim Pop Jon Pol i kamap long Sikago long yia 1979.

Long yia 1988, Pater Dom i lusim biktaun Sikago na go bek long asples bilong em, em taun Opelousas long provins Louisiana long Amerika. Hia mama i bin karim em long yia 1930. Em i namba wan pikinini bilong 11-pela brata-susa. Long Opelousas, em i bosim Holi Spirit peris. Sais bilong dispela peris bilong ol blakskin Katolik i winim olgeta arapela blakskin peris long Amerika.

Tok save bilong Pop i bin kamap long Pater Dom long dispela ples yet long mun Desemba. Long dispela taim em i tok amamas long ol SVD olsem, "Mi laik tenkyu long ol SVD i bin trenim mi gut tru bilong mekim wok pater insait long Sios.

Mi amamas nau long helpim ol wanskin bilong mi na olgeta Katolik insait long daosis bilong New Orleans."

Long Amerika ol SVD i gat biknem long trenim ol namba wan blakskin long kamap pater.

Na namba wan blakskin bisop bilong PNG em bilong ol SVD tasol. Nem bilong em Bisop Raymond Caesar, bipo em i bisop bilong Goroka.

Yut lida askim Posai long tokaut stret

WANPELA Provinsal yut lida long Wes Nu Briten i askim pinis Minista bilong Hom Afes na Yut, Andrew Posai long tok klia long wanem grup tru em i bin givim K63,000 long ol.

Timothy Soa i wokim dispela singaut bihainim tasol sampela toktok olsem Posai i givim dispela mani i go long ol pipel long provins bilong em.

Dispela K63,000 i kam aninit long K93,000 em gavman i givim long Posai long helpim wok bilong sios long Wes Nu Briten.

Em i askim tu Mista Posai long tokaut long wanem yut grup, wimens grup o ol kain grup olsem, em i bin givim mani long ol.


Hom Afes na Yut Opis long Kimbe i bin kisim tasol K30,000. Long dispela mani ol Womins Kaunsil i kisim K15,000, na Yut Kaunsil i kisim narapela K15,000. Olsem na yut lida ya i askim we stap long narapela K33,000.

I gat bilip olsem minista i givim aut ol kes mani i go long ol yut grup nabaut long wanpela yut bung em ol i holim long Kimbe long las krismas. I nogat tok tru yet olsem mani ol yut i kisim i kam long dispela K63,000.

Mista Soa i tok sapos Posai i rong, em i mas risain long wok bilong em.

Narapela provinsal memba bilong Kandrian - Glosta na presiden bilong Kove Lokel Gavman Kaunsil i askim tu Posai long toksave long ol pipel bilong em long wanem kain grup tru em i givim mani long ol. Tupela i tok ol yut na wimens grup long ilektoret bilong tupela i no bin kisim kain mani.

Ol i askim Posai tu long noken wokim ol gijaman toktok na larim ol wokman bilong gavman long painimaut we dispela mani i bin go.



Stori tumbuna i kamap tru

DISPELA em wanpela bilong planti tumbuna stori bilong ol Yakale pipel long Awain wan pisin long Wabeg, Enga provins. Stori ya i tok sampela de bihain bai i gat bikpela raun wara long hap, ples bilong ol i stap nau.

Long bipo, ol kasuarina na pandanus diwai i kamap raunim dispela ples. Na ol gras i kamap long graun.

Long dispela hap we stori i kamap em haus lotu bilong ples i sanap.

Wanpela yia i go pinis, wara

sut i kam ausait long sampela ston, na kamapim wanpela liklik raun wara. Na raun wara ya i kamap bikpela nau, na mak bilong wara i go antap yet.

Wara i kam antap moa na daunim pinis sampela liklik diwai na gras. Na klostu bai daunim haus lotu long hap.

Olsem na long tumbuna pasin na stori long hap bilong mi, ol tumbuna stori i ken kamap tru olsem dispela i soim nau. *Poto*

na stori: G. Aparau.

Nupela Gogol-Naru timba agrimen no stret yet

PIUS IKUMA | raktim

MADANG provinsel fores minista, Bega Aizo i laikim nesanel Fores minista Tim Neville long kirapim gen toktok bilong Gogol-Naru timba rait pemit namel long ol papa graun na

divelopa bilong dispela projek, Jant Timba.

Mista Aizo i tok ol i lusim toktok i stap nat-ing longpela taim tumas. Na dispela i no gutpela. Bikos em i laikim ol long stretim tok kwiktam na sainim gen agrimen bilong kampani long katim diwai long hap.

Em i tok long las yia,

ol i bin kam long toktok na sainim agrimen namel long ol papa graun na Jant Timba kampani wantaim nesanel Fores minista. Na long dispela taim, Mista Neville i bin tokim ol olsem em bai singautim ol i kam gen long mun Januери dispela yia na stretim gut toktok.

Tasol i kam inap nau, no gat samting i kamap. Na ol papa graun i no amamas long dispela. Bikos ol i

laik gavman, Jant Timba kampani, ol opisal bilong Fores na ol yet long toktok hari-ap na stretim ol agrimen pastaim long pinis bilong dispela mun.

Olsem na Mista Aizo i askim nesanel minista long bihainim toktok bilong em.

Jant Timba kampani i bilong Japan. Na ol i bin kam insait long kantri pastaim long independens long katim timba. Long dispela taim Australia

gavman i bin lukautim PNG. Na ol edministreta bilong Papua Niugini long dispela taim i bin sainim wanpela agrimen wantaim kampani long ol i ken katim diwai long Gogol/Naru long Madang.

Long 1990, ol papa graun i bin banisim rot bilong ol ka bilong kampani long go insait long hap bilong ol long katim diwai na stapim ol wokman tu long wok. Bikos ol i no

amamas long we kampani i wok long katim ol diwai long hap.

Na ol i laik toktok wantaim kampani gen long kamapim nupela agrimen em ol tu inap long givim tingting bilong ol. Bikos bipo taim kampani i bin sainim agrimen wantaim edministreta i bosim PNG, ol papa graun i no bin gat mausman bilong ol.

Olsem na long mun Ogas las yia, kampani, provinsal na nesanel

gavman wantaim ol papa graun i bin bung long sainim nupela agrimen.

Fores minista Tim Neville i bin surikim bung ya i go long mun Januери. Tasol Januери i pinis, na ol papa graun, kampani na provinsal gavman i wetim tok bilong minista yet.

Na nau, kampani i go het na katim diwai i stap long hap bilong Gogol/Naru timba eria.

Amerika prenim ol pipel bilong Kafuku

SAPE METTA | raktim

OL PIPEL bilong Kafuku long Isten Hailans provins i wokim gutpela pren pasin wantaim ol pipel bilong Amerika long Trinde, 27 Januери.

Ol i bin mekim dispela taim ol bikman bilong lain Kafuku wanpisin i bin mekim ambedada bilong Amerika long Papua Niugini, Robert Farrand i kamap olsem wanpela memba long hausman bilong ol. Na ol i givim em ol tit bilong pik na sampela bunara.

Long bekim dispela, Mista Farrand i bin givim ol wanpela buk. Buk i soim laip na kalsa bilong ol pipel bilong Amerika. Mista Farrand na meri bilong em i bin mekim ol lain bilong Kafuku i kirap nogut taim ol i kamap long ples bilong ol.

Tupela i bin go long lukim 33 volentia wokman i pinisim trening bilong ol long Kefamo Katolik senta. Long dispela taim, Mista Farrand i tokim ol olsem Amerika i redi tasol long helpim ol pipel o grup husat i ken soim olsem ol inap long helpim ol yet.

Ol pipel bilong Kafuku i tingting long helpim ol yet long lukautim ol kalsa na kastom bilong ol. Bai ol i no ken lus tingting. Na long dispela taim ol i askim Mista Farrand long sampela helpim.

Mista Farrand i no mekim sampela bikpela tok long dispela.

Tasol em i tok olsem dispela projek i wanpela gutpela samting tru na i mas gat sapot long en.

Pasin promis bilong senisim laip kamap long Mosbi



LONG Hailans taim wanpela man i laik lusim wanpela pasin na bihainim narapela, em i save kilim pik na wokim kaikai na senis o pinis olgeta long olpela pasin.

Dispela pasin promis i strong yet long olgeta Hailans provins.

I wankain olsem yu mekim Nu Yia promis. Tasol long Hailans i strong moa taim yu mekim promis long ai bilong ol wanpilai na ol meri pikinini.

Las wik Sarare, wanpela kain promis bilong senisim laip o pasin i bin kamap long Hohola long Mosbi.

Wanpela yangpela man bilong Simbu i save raun wantaim ol Boroko Maket Bois i mekim promis long pinis long spak na raskol pasin. Em joinim SDA Sios na senisim laip. BMB i gat nem long raskol pasin long Boroko eria.

Wanpela bilong ol i lusim ol na em i senisim laip bilong em nau.

• (ANTAP)-OI i bung na wetim famill long kukim kaikai. Bihain long kaikai bai ating ol i amamas liklik wantaim sampela strongpela dring. Ating dispela i mas las dring bilong ol lain i mekim las promis.

• (RAITHAN)-OI manmeri i hangre na wet tasol long kaikai. *Poto na stori: Eddie Saunders.*



Wes Nu Briten gat 7-pela de yet

i kam long pes 5 8-pela.

Mista Vogae, i gat 11-pela memba nau wantaim long fraim kamapim nupela gavman. Tripela memba

bilong Saut Kos - Kandrian tu i joinim ol pinis.

Ol dispela memba i, sainim pinis wanpela pepa long soim olsem ol bai stap long sait bilong Vogae taim ol i

kamap long makim nupela primia long Tunde 9, Februери.

I no gat toktok i kam yet long Mista Lawrence na ol lain

bilong em.

Bakani na Vogae i gat bikpela save long wok politik na i luk olsem tupela bai pait hat long kisim wok primia.



**Traipela
Moni ikam
klostu nau**

Aeee Oooo! Mama
 Mi Wieee Nimmm
K 25,000
 Nau!!!



SAPOS YU
 TRAIM, YUTU
 KENKAMAP
 WIN MAN O
 MERI, MI SAVE
 BAIM TIKET
 OL TAIM NA
 TRAIM!
K 1.10
 TASOL.



**NAMB AWAN
 TIKET**

**Tropical
 Treasure** 

PLIS RIPOT



RABAU: Long las wiken, plis i bin stapim ol wokman bilong Coastal Shipping long Rabaul husat i laik holim wanpela straik. Ol i bin kisim ol dram na ol arapela samting na banisim rot i go insait long ples bilong wok long bris em 6-pela sip bilong kampani i stap long en. Tasol long Sande moning, ol plis i toktok wantaim ol wokman. Na rausim ol dispela samting long rot. Ol wokman i mekim olsem bikos ol i laikim ol alawens bilong ol wok long salim ol samting i go long Bogenvil na ol arapela wok.

LAE: Wanpela haus na ka i bin paia long wiken. Bos bilong plis long Lae, Alfred Reu i tok olsem ol lain bilong olpela PNG weit lifa sempion, Michael Mexico i bin go kukim ka na haus bilong Titus Wambun bikos ol lain bilong em (Wambun) i bin paitim Mexico. Mista Reu i tok plis i no holim wanpela man yet bihainim dispela trabel.

MOSBI: Ol raskol i bin kilim wanpela man long Laloki setelmen las wiken. Metropolitan Superintendent Komanda Joseph Kupo i tok olsem dispela samting i bin kamap long Sarere, 30 Janueri. Mista Kupo i tok 5-pela man i bin go na hensapim wanpela famili na askim ol long mani na ol arapela samting. Tasol taim famili ya i tokim ol olsem ol i no gat mani, wanpela raskol i kirap na sutim dispela man long gan. Plis i no tokaut yet long nem bilong man ya. Na ol i painimaut yet long dispela.

Galp saspem long yusim kranki pablik fan

MESERY GUBAG i rattim

NESENEL gavman i bin saspem Galp provinsal gavman long Fraide, 29 Janueri.

Kabinet i mekim bihain long ol i bin kisim ripot bilong Odita Jenerel, Makena Geno olsem provinsal gavman i bin yusim kranki ol pablik fan.

Ripot i bin soim olsem namel long 1 Janueri 1 na 22 Disemba 1992, Galp provinsal gav-

man:
 • i no bin bungim gut na lukautim ol ripot bilong soim rot ol i bin yusim mani bilong provins; na
 • i no bin gat gutpela ripot long soim wok bilong provinsal gavman insait long provins
 • i no bin kamapim sampela kain rot long skelim gut ol mani bilong ol wan wan projek na wok bilong en.

Na ol i wok long yusim mani long laik bilong ol yet.

Provinsal Afeas na Viles Sevises ministra, John Nilkare i bin lukim dispela ripot bilong Odita Jenerel. Na kabinet long saspem provinsal gavman. Olsem na ol i mekim olsem.

Dispela saspem nau i bringim namba bilong ol provinsal gavman husat i saspem i go antap long 8-pela. Ol narapela provinsal gavman husat i stap

long saspem em Westen, Milen Be, Morobe, Is Sepik, Not Solomons, Sauten Hailans na Westen Hailans.

Narapela gavman husat inap long saspem nau em Madang provinsal gavman. Dispela i bin kamap ples klia bihain long Viles Sevises na Provinsal Afeas ministra, John Nilkare i bin tokim Odita Jenerel long sekim gen ol rekot bilong Madang gavman long las yia.

Mista Geno i bin pinisim ripot. Na givim Mista Nilkare long

lukim. Kabinet i bin bung tasol ol i no tokaut yet long wanem samting ol bai mekim.

Ripot bilong Mista Geno i soim olsem Madang i bin bagarap olgeta long wok bilong en olsem wanpela provinsal gavman. Bikos em i no mekim wok bilong sanap olsem wasman bilong lukautim na yusim gut pablik mani long provins.

Gavman i bin saspem ol arapela 8-pela provinsal gavman long wankain ripot em i kisim long wok bilong ol.

Ol NGO grup holim komyunikesen bung

WANPELA bikpela bung bilong ol Non Gavman Oganaisesen (NGO) grup long ol kantri aninit long kwin bilong Ingran i kamap nau long Honiara long Solomon Ailan.

Dispela bung bai pinis long tumora, 5 Februari.

Papua Niugini tu i wanpela memba bilong ol dispela lain kantri. Na em i salim tupela man i go.

As tingting bilong bung em long kamapim wanpela plen bilong trenim ol wokman bilong ol NGO grup insait long Pasifik rijon. Dispela bai helpim ol long salim na kisim tok save long ol samting i kamap insait long ol wan wan kantri namel long ol yet.

Dispela bai helpim ol long kamapim gut wok insait long ol kantri bilong ol. Na tu long rot bilong skelim ol man-

meri long samting bilong ol na rot bilong lukautim ol.

Dispela i bihainim tasol namba wan bung bilong olgeta NGO grup insait long wol long mun Ogas, 1992 long Zimbabwe, Afrika.

Long dispela taim, ol i bin bung na toktok long kamapim gutpela wok bilong bringim na kisim ol tok save namel long ol yet. Na woksop nau long Honiara i bihainim tasol dispela tingting.

Grup husat i ranim dispela miting em Commonwealth Foundation. Na het opis bilong ol i stap long Ingran.

Tupela man Papua Niugini husat i go long bung ya em Vincent Manukayasi bilong PNG Trust na Michael Kanako bilong CUSO.

UN sapatim gen Klin Wara program

WANPELA wara saplai em United Nations (UNICEF) i givim mani long wokim aninit long program bilong en ol i kolim "Klin Wara" i bin op long Fraide 29 Janueri.

Ol i bin opim dispela wara saplai long ples Bala insait long Apa Karinj eria long Mendi, Sautne Hailans provins. Ol bikman husat i bin kamap long taim bilong opim wara saplai em Edministreta bilong Sauten Hailans Dominic Diya, Michael Buku (nesenel memba bilong Mendi), ol sios lida, mausman bilong ol komyuniti, ol bikman bilong wan wan gavman dipatmen long provins na ol lain i makim United Nations.


Dispela wara saplai i kam long Wara Tim.

*She's gotta wash those pants!
 She's gotta wash that shirt,
 She's gotta wash her blouse,
 Clean away that dirt...*

**She needs
 KLINA**

Klina soap. Now available
 in bars, loose, or
 boxes of four!

Look for Klina in your
 store now!





• Birkpela guria i bin kamap long Japan long las wik Sarere, na brukim rot long Hokaido allan, na kapsaitim ol ka nabaut long rot. Pliis i tok tupela man i bin indai, na arapela 360 i kisim bagarap.




• Ol lain Palestain husat i lusim asgraun bilong ol na stap long Lebanon i protes engens Isrel gavman. Bikos ol i no save kisim gutpela sindaun.



• Planti tausen Muslim i hangamap long tren na lusim Tongi taun long Banglades blhain long kibung bilong Wol Muslim kongrigesen.



• Ol soldia bilong Belgin i painim ol strongpela samting bilong pait olsem gan long Somalia. Ol i painim 52 samting bilong pait long dispela operesen.



Raunim ol bulmakau: Sampela fama bilong Somalia long Afrika i raunim bulmakau bilong ol klostu long hap ol soldia bilong Amerika i stap long sentrel Mogadishu.



• Ol pikinini bilong Irak i sanap long kisim poto klostu long piksa bilong Presiden Saddam Hussein long taim ol i opim gen faktori bilong wokim bebi susu. Bom i bir bagarapim dispela bebi susu.

YU NO INAP WINIM TOYOTA HILUX

Dispela kar tasol em i bikpela na strongpela 1 tonne 4 wil draiv kar insait long Papua Niugini nau. Toyota Hilux i givim yu nambawan 2800cc disil pawa na i gat 5 pela gia, nambawan ples bilong sindaun bilong 5 pela man. Na i gat ol arapela samting olsem ol TJM Bulba, em bilong pasim ol bulmakau na ol bikpela wil. Yu no inap mekim wanpela samting sapos yu no gat dispela Toyota Hilux 4WD. Bikpela spea pat na sevis divisen bilong Ela Motors long olgeta hap bilong Papua Niugini i sapatim dispela nupela kar.

Ela Motors

NAMBAWAN LONG
PAPUA NIUGINI

- PORT MORESBY 229400
- LAE 433655
- RABAU 921988
- MADANG 822188
- GOROKA 721844
- MT HAGEN 521888
- WEWAK 862255
- KAVIENG 942132
- KIMBE 935155
- TABUBIL 589060
- VANIMO 871254
- PORGERA 579367



EN 4216

No gat pikinini meri indai long ol kalabus

Dia Edita,
Mi laik bekim pas bilong kalabus man ya Tona Wanis i bin kamap long 7 Janueri.

Em i tok ol meri na pikinini bilong ol woda i save aigris long ol. Ol na ol woda i save jeles na paitim ol nogut tru taim ol i mekim liklik

rong nabaut.

Tona, mi ken tokim yu stret olsem dispela pas yu raitim i soim tasol belhat bilong yu long mipela. Yu mas wanpela bilong ol kalabus husat i bin singautim pikinini meri bilong ol woda. Na papa bilong em i bin go solapim yu

insait long haus kalabus.

Mi stap 10-pela yia pinis long Boram haus kalabus. Na pasin bilong patiim ol kalabus i ap indai em mipela lusim pinis long 1988. Nau yu hambak na tok pilai bikos gavman i givim yu gutpela kaikai

tripela taim long wanpela de. Na yu gat planti malolo na liklik wok tasol.

Tona, dispela pas bilong yu nau bai bagarapim gutpela sindaun nau i stap namel long ol woda na kalabus. Mi laik tokim yu

long lus tingting long kain rabis samting. Na traim harim tok bilong God em planti taim ol pasto i save kam tok tok long yupela long en.

Gidad Moi, WEWAK.



Nem: Monglow Yoso
Krismas: 19 yia
Nem: Elia Buka,
Krismas: 17 yia.
Nem: Max Nganschang,
Adres: P.O.Box 3242, Lae, Morobe Province.

Oi i save lalkim: Pilai soka, basketbal, volibal, tok pilai, singsing na go lotu.

Nem: Richardson Anda,
Krismas: 20 yia,
Adres: Numondo Plantasin, P.O.Box 438, Kimbe.

Save Lalkim: Lukim vidio, salim pas i go kam, swim, pilai soka na basketbal.

Nem: Claude Falzon,
Adres: P.O.Box 192, Kiunga, Western Province.

Bia em as bilong hevi

Dia Edita,
Mi laik autim wari bilong mi long pablik na bai ol i ken lukim. Yes, mi lukim planti trabel i kamap bikos ol man i dring bia.


Olsem na mi laikim gavman i stapim ol man long salim bia long blak maket o ol stua i no gat laisens long salim bia. Plis tu i no save wok gut olsem na planti trabel i kamap.

Ol i ken salim long hotel, klab na haus pasindia tasol ol i mas givim wantaim kaikai. Oi man i no ken

baim bia na dring, ol i mas go kaikai long ol dispela hap na tu ol i no ken baim planti bia long dring.

Dispela bai stapim planti trabel long kamap. Mi autim dispela wari bikos mi save lukim planti famili i stap wantaim trabel na hevi. Planti gutpela famili save bruk long bia tasol na mi no laikim dispela kain pasin i kamap long kantri bilong yumi.

Kaiyo Ause, KAVIENG.



EM TV mas senis wantaim 1993

Dia Edita,
Mi laik bekim pas bilong Jerry Yano i bin kamap long Fonde, 7 Janueri.

I gutpela yu komplem long pawa ben bilong Tolai na Papua bikos yu no save lukim ol lain bilong yu yet long EM TV. Mi no save yu bilong wanem provins tasol mi laik tokim yu. Go stret long EM TV opis na tok tok wantaim menesa bilong ol.

Em i tru olsem EM TV i no save stretim progrem bilong em olsem

'Mekim Musik'. Ol i save putim planti singsing bilong ol waitman na katim sot ol singsing bilong ol lokol musikman.

Mi ting dispela yia 1993 na ol bai senisim. Tasol nogat. Ol i save putim ol dai dai piksa yet. Traim na putim ol gutpela piksa olsem Airwolf, Knight Rider na ol arapela. EM TV harim, dispela yia em 1993, i no 1992.

Augustine Peters, GOROKA.

Geli geli komplem long hailans soldia

Dia Edita,

Mi laik bekim pas bilong brata Tanda Yale i bin kamap long 7 Janueri.

Em i tok "Ol hailans

soldia long Moem Bareks save so op."

Mi laik tokim yu olsem yu jeles tasol. Sapos yu wanpela yunivesti studen, em wari bilong yu na famili bilong yu.


Save bilong yu i no lukautim dispela kantri, PNG. Dispela so op soldia i save lukautim yu na PNG. Sapos no gat soldia, mi tokim yu, yu bai salim.

Na tu sapos yu laik joinim ami, em orait. Sapos nogat, yu wanpela pret man. Em tasol, tenkyu. **Kuu Wes, WEWAK.**


HYUNDAI HAVE MOVED



Elantra GLS
Available from K17, 900



Excel 5door GLS
Available from K14, 500



Scoupe LS K15, 500



Sonata GLS
K19, 900

Our New Location
is now at Taurama Lights
in the PNG MOTORS Complex.

HYUNDAI

New Phone Numbers

25 8566 25 5788

New Fax Number

25 0670

Painim Patrick Minja

Dia Edita,

Long taim nau mi wok long painim brata bilong mi Patrick Minja. Mi no save long wanem hap tru em i stap.

Bikos em i no rait liklik long mi. Bipo yet mitupela i bin stap long Buka. Na taim pait i kamap, mi lusim em na i go long Lae. Nau mi painim em na mi kam stap long Bialla long Wes Nu Briten provins.

Sapos yu husat man o meri i save long em, plis tokim em long rait i kam long mi long dispela adres:

Wesley Kapmasuat,
C/- Biloml Kautuw,
P.O.Box 451,
Kimbe,
West New Britain Province.

Sia bilong bas i no blakbot

Dia Edita,

Mi save stap long Misbeal Plantasin long Kokopo, Is Nu Briten provins.

Mi raun long Kokopo na Rabaul na mi save lukim planti pipel i raitim nem nabaut long sia bilong ol bas. Mi save ritim na i no gutpela tumas long ai bilong mi.

Ol sia bilong ol bas i no buk na ol i mekim olsem. Mi laikim dispela kain pasin long pinis.

Ririma Wakea,
KOKOPO.

Ol hevi kamap. long liklik pe

Dia Edita,

Mi laik autim liklik wari bilong mi long dispela nupela mak bilong pe gavman i putim.

Mi no amamas long dispela pe. Bikos yupela i save. Ol samting bilong bilasim skin, kaikai na planti ol arapela samting long stoa i gat bikpela prais tumas.

Mi stap leba bilong Welpam hia long Higaturu inap long 5-pela yia pinis. Na mi gat 25 krismas. Pe bilong mipela nau bai K42.92 long wan wan fotnait. Yupela ol brata susa long arapela provins i save harim nius bilong Popondetta. Planti pait klostu klostu na pasin raskol i bikpela samting tru. Na gavman i no gat save long we bilong stretim dispela hevi.

Bikos mipela i wok insait long ol ples we kain samting olsem i wok long kamap. Olsem na mi askim provinsal na nesanel gavman long lukluk long dispela. Mi ting olsem hevi bilong pe i mekim na pasin raskol i kamap bikpela. Em tasol wari bilong mi.

Malcus Wari,
POPONDETTA.

Kalabusim tu ol bikman

Dia Edita,

Mi laik sapotim pas bilong Bapson Pinja i bin kamap long 10 Septemba, 1992 na Make Amien i bin kamap long 15 Januery.

Mista Pinja i bin komplem olsem ol memba bilong nesanel palamen i save stilim bikpela mani na plis i no sasim ol.

Brata Make tu i bin tok olsem mipela ol man nating i save kisim kain mani olsem K20 o K50. Na kwiktaim tru plis i save kalabusim mipela.

Olsem na mi laik tok olsem sapos gavman i go het wantaim kain pasin, trabel bai stap long dispela graun inap taim i pinis. Mipela olgeta i mas stap aninit long dispela lo.

Tok na pawa bilong God inap senisim laip

Dia Edita,
Plis givim mi hap spes long bekim pas bilong Henry Boffey i bin

kamap long Wantok Niuspepa long Fonde 14 Januery. Pas bilong em i toktok long

Tambu long prinim nem bilong Jisas antap long ol klos na laplap.

Brata Henry, i luk olsem yu wok long sanap strong tru long bilip bilong lotu na lo bilong misin yu stap long en.

laip bilong man. Ol manmeri i luksave na pilim Jisas olsem pren na brata tru bilong ol. I no olsem bipo ol pater na pasto i save stori long em long olgeta Sande long haus lotu. Nogat. Ol yet i luk save long em na dispela i mekim ol i gat bikpela amamas na i no gat pret moa olsem bipo.

J.B. Wages,
C.I.S Boram, Wewak.

Maski daunim ol arapela

Dia Edita,

Mi laik bekim pas bilong Rony Dowab i bin kamap long 7 Januery.


Brata, mi no amamas long yu apim nem bilong sampela lotu na daunim ol arapela. Yumi no ken bihainim ol lo o pasin bilong sios. Yumi mas bihainim wanem tok i stap long Buk Baibel.

Rony i tok ol nupela sios husat i

kam insait long PNG i wok long grisim ol kristen bilong ol arapela sios. Nogat brata, God i opim bel na ai long spirit bilong ol. Na ol i luksave na senisim pasin na wokabaut bihainim Jisas long Revelesen 22:18.

Neviak Snokie,
KIMBE.

Yu ken lukim olsem long bipo, ol pasto na pater i save autim Tok bilong God long strong na save bilong ol. Nau long dispela taim, God i kapsaitim Holi Spirit bilong em long Tok bilong Em. Na Tok bilong Em i gat pawa long brukim na senisim



bridge the gap between buyer and seller
by **ADVERTISING** in



Call our Advertising Sales Team
Telephone:

25 2500

BIKPELA BOSS I LUS TINGTING

Yu kam na painim aut.
Toba Motors i toksave long
nambawan prais bilong
Johnson 40hp Outboard, YAH!



Features

- POWERFUL TWO CYLINDER ENGINE.
- ELECTRONIC IGNITION
- OVERHEAT WARNING
- GAS OPERATED TILT AND TRIM
- SHALLOW WATER DRIVE
- EXTRA STRONG 22LITRE PLASTIC FUEL TANK WITH GUAGE

FEBRUARY

Only



TOBA
MOTORS

PORT MORESBY 21 7874
LAE 42 2611
RABAU 92 1860

Agents: ALOTAU 61 1246 KIMBE 93 5035 Mt HAGEN 52 1855 WEWAK 86 2784

Gret 8 skul liva kamap olsem kompyuta tisa

WINIS MAP i raitim

WANPELA gret 8 skul liva meri i kamap tisa bilong Microbase Computer System na i wok long skulim ol man na meri long wok wantaim kompyuta masin.

Nem bilong dispela meri em Agnes Posong husat i gat 21 krismas na i bilong Sori ailan long Manus.

Agnes i bin wokim gret 8 long 1986 long Manus haikul. Tasol em i lusim skul bikos em i gat sampela hevi long famili. Na em i stap nating long ples.

Long 1989, Manus haikul i kisim em long lukautim liklik stua bilong skul. Agnes i wok tupela yia long hap.

Long 1991, waspapa bilong Agnes, Andrew Posong i go long Manus na kisim em i go long Mosbi. Bihain Mista Posong i kisim Agnes i go long Key Typing skul na putim nem bilong em long skul.

Agnes i go wokim kos bilong taip wantaim Key Typing skul. Long dispela taim, i gat ol arapela meri husat i pinisim gret 10 tu i bin skul wantaim


em. Tasol Agnes i no wari long dispela na em i wok hat na pinisim kos bilong em long 1992. Hat wok bilong Agnes i karim kaikai taim em i kisim 98 pesen long fainal eksem.

Key Typing i salim Agnes long go traim wok inap long tripela wik wantaim Microbase Computer System. Long dispela taim bos bilong Microbase Computer System, Rene Gabor i luksave long wok bilong Agnes.

Bihain long Agnes i pinisim skul, em i go na wok wantaim ol lain long Duti Fri Sop long Mosbi ples balus. Em i wok wantaim ol long 4-pela mun tasol.

Long las wik, Microbase Computer System i askim Agnes long wok wantaim ol olsem wanpela tisa. Na long dispela wik, *Wantok* ripota i lukim Agnes i skulim ol man na meri long wok wantaim kompyuta.

"I tru olsem mi no gat planti yia eksperiens long wok olsem tisa, tasol mi bai traim long wok gut. Planti man long graun i save wokim rong na ol i save stretim ol samting em ol i wokim rong long en," Agnes i tok.



• Agnes Posong i sanap na skulim tupela sumatin, Bernardett Torea (sindaun long namel) na Valentine Penil husat i sindaun long lephan klostu long kamera. *Poto Winis Map.*

Raskol stap yet long Barolla rot

WANPELA raskol grup bilong Goroka i givim tok lukaut olsem ol pipel i mas was gut na raun long Barolla rot long Isten Hailans provins.

Oi i bin mekim dispela tok taim ol i givim ol yet i go long han bilong plis tripela wik i go pinis. Long dispela taim, 15 man namel long 16 na 24 krismas i bin givim ol yet i go long plis.

Oi i bin tokim ol pipel

olsem ples i no gutpela yet long raun. Bikos plis i bin tokim ol long mekim sampela samting ol i no laikim long en.

Oi i bin tokaut long dispela wari bilong ol taim wanpela lo na oda aweanes komiti i go raun long hap bilong ol. Dispela grup i bin go lukim na toktok wantaim ol bihain long ol i givim ol yet i go long han bilong plis.

Oi i tok i gat tupela

arapela grup i stap husat i mekim ol hambak pasin yet. Na sapos ol plis na ol arapela opisa i bihainim tok na mekim samting ol i tok long en, ating bai ol dispela grup i lukim na lusim bikhet pasin bilong ol.

Taim dispela lo na oda grup i harim olsem, ol i bin tokim ol lain ya olsem ol bai toktok long Primia bilong Isten Hailans Robert Atiyafa long dispela.

WANTOK

BISNIS LONG PAPUA NIUGINI

WANTOK

KOPRA

Pe bilong kopra i go antap nau long K30 long wan wan tan long dispela yia. Pe bilong ol bikpela depo olsem Mosbi, Alotau, Lae, Madang, Wewak, Kavieng, Toboi, Kimbe na Kieta i stap olsem:

Smoke	K263
F.M.S	K265
Hot Air	K268

Na pe bilong kopra long ol liklik depo i stap olsem:

SAMARAI	Smoke	K231
	F.M.S	K233
	Hot Air	K236

KANDRIAN na NAMATANAI	Smoke	K228
	F.M.S	K230
	Hot Air	K233

BUKA	Smoke	K227
	F.M.S	K229
	Hot Air	K232
FINSCHHAFEN	Smoke	K223
	F.M.S	K225
	Hot Air	K228

LORENGAU	Smoke	K198
	F.M.S	K200
	Hot Air	K203

KEREMA	Smoke	K218
	F.M.S	K220
	Hot Air	K223

KARKAR	Smoke	K200
	F.M.S	K202
	Hot Air	K205

CMB nau bai i no inap long kisim moa prais sapot long Gavman. Dispela i stat long Januari 1, 1992

KAKAO

PRAIS bilong drai kakao long wanwan tan long Rabaul long Mande inap long Fraide long las wik.

Mande	Tunde	Trinde	Fonde	Fralde
30/11	1/12	2/12	3/12	4/12

Pe ol balya sasim long papa bilong fementri				
K713	K711	K719	K719	K707
Sapot prais				
K500	K585	K585	K585	K585

Prais ol papa bilong fementri i kisim

K1213	K1296	K1304	K1304	K1292
-------	-------	-------	-------	-------

Sapot prais bilong kakao long dispela mun em K628.95. Dispela prais i no wankain olsem pe bilong kakao long ol narapela hap bilong kantri.

PRAIS BILONG OL BENSIN

Kos long wanpela lita	
Ex Pump (Wantaim takis)	
Petrol	47.9 toea
Diesel	37.2 toea
Kerosin	43.8 toea



Isten Hailans sasim nau ol laisens fi

SAPE METTA I raitim

ISTEN HAILANS Kapitel Atoriti i laik kamapim ol nupela laisens fi bilong ol kain kain bisnis nabaut.

Long semtaim, ol i tambu long ol haus kaikai long salim ol kaikai olsem sip tang, lewa bilong sip-sip, lek na tel bilong pik na skon. Siaman bilong Laisens Komiti, Stainer Sapu i tok ol i tambu long ol haus kai na stua long salim dispela bikos dispela ol kaikai i no gutpela long skin na bodi bilong ol pipel.

Nupela laisens fi bilong ol bisnis nau i stap namel long K100 na

K1,000.

Ol wan wan fi bilong ol bisnis nau em olsem: Laisens bilong salim mit, -K10, ol liklik stua, ol stua bilong stretim ol samting na ol sekyuriti sevis fi em, K50, ol haus pasindia, privet klinik, sab kontrakta, penta, na ol man bilong skelim graunem K100.

Ol papa bilong ol stua, haus kai, haus bilong katim mit, ol liklik supamakot, sevis stesin, stua bilong salim ol buk, praivet akaun na lo bisnis na ol fan haus bai baim K250 long kisim laisens.

Ol pipel husat i laik wokim bisnis long kamapim haus kaikai, woksop, sekenhan stua na ol arapela bikpela stua bai peim K300



• Ol lain Hagen i bung ausait long Dagua maket long Wewak taun, Is Sepik na balm bual. Ol i pulimapim long bikpela beg bilong ol. Ol bal karim long sip i go bek long Lae o Mosbi na sallim. Ol i mekim olsem na prais bilong bual tu i go antap nau long Wewak. Nau yet wanpela han bual i kos K4. Foto:

Francis Uliau.

fi. Na ol bisnisman long sait bilong salim bia, bensin, hos res, kemis na ol lain bilong salim ol samting bilong opis bai baim K500.

Ol lain husat i save salim ol speapat bilong ol samting olsem ka, masin na ol lain husat i gat bisnis long holsel bai baim K600. Ol narapela lain insait long had-wea, frisa, ol lain bilong salim ka, na ol hotel bai gat laisens sas bilong K1,000.

Mista Sapu i tok dispela em ol nupela fi ol i makim. Na ol bai stat kisim ol dispela mani bihain long olgeta bod memba bilong Isten Hailans Kapitel Atoriti i bung na tok orait long en.

Kimbe bisnisman sutim tok long PNGBC menesa

WANPELA bisnisman long Kimbe i sutim tok long menesa bilong PNGBC beng long hap olsem em i save wansait taim em i laik givim dinau long ol man.

Man ya Gerry Luru, i tok olsem menesa Greg Donald i wok long tok no gat long ol papamama husat i laik kisim dinau long baim skul fi bilong ol pikinini bilong ol. Na em i wok long givim dinau tasol i go long ol waitman husat i go askim em. Na dispela i no gutpela.

Taim Wantok i askim Mista Donald long dispela pasin, em i tok dispela ol toktok i no tru. Bikos ol i bihainim tasol ol rot bilong givim dinau long ol man husat i aplai.

Na dispela i bihainim tasol ol polisi bilong beng long taim bilong givim dinau long ol kastoma bilong en.

"Klostu long 90 pesen bilong ol kastoma bilong mipela em ol Papua Niugini manmeri.

"Na mipela save givim dinau i go long 90 pesen bilong ol Papua Niugini kastoma bilong mipela. Ol lain husat i laik kisim dinau i mas ol kastoma bilong mipela.

KOPI

Pe bilong drai arabika na robusta kopi long wanwan kilogram long Januari 18, 1993. Dispela i karamapim prais bilong kopi long dua bilong faktori, na i no long sait bilong rot.

Arabika :	
Kainantu	K150
Goroka	K147 to 150
Minz na Banz	K135
Hagen	K135 to 138
Lae	K105 to 120
Mumeng	NQ
Wau/Bulolo	K110
Madang	K180 to 100

Ol ripot i kam long Kopi Industri Kopresen. Mipela i no kisim ripot bilong Kundiawa, Wapenamanda, Mendi, Erap, Aseki, na Wasu.

Robusta :	
Is Sepik	K80 to 90
Madang	K60

Ripot bilong ol arapela senta husat i save groim robusta kopi i no kamap.

RABA

Gavien faktori (ESP) - 21 t/kg
Doa faktori (Sentrel) - 36 t/kg inap long 39t/kg

KADAMON

Prais bilong kadamon em A. T. Agri Ejenis Pty Ltd long Madang i tok aut long en i stap olsem:

Drai long san em namel long K0.80 na K1.10.
Drai long fektori em namel long \$6.50 na \$8.00.
A. T. Agri i lukautim Kobum Spice em i stap long Bundi we planti ol kadamon i save kam long en.

PE BILONG AIR NIUGINI LONG PNG TASOL

KISIM LONG I GO LONG PE BILONG	BALUS	PE BILONG KAGO
POM	Alotau	K101
POM	Daru	K117
POM	Goroka	K114
POM	Hoskins	K140
POM	Kavieng	K234
POM	Kundiawa	K113
POM	Lae	K95
POM	Madang	K129
POM	Manus	K206
POM	Mendi	K136
POM	Misima	K155
POM	Mount Hagen	K132
POM	Popondetta	K59
POM	Rabaul	K187
POM	Tabubil	K189
POM	Tari	K153
POM	Vanimo	K234
POM	Wapenamanda	K141
POM	Wewak	K180
		K1.01
		K1.17
		K1.14
		K1.40
		K2.34
		K1.13
		K0.95
		K1.29
		K2.06
		K1.36
		K1.65
		K1.32
		K0.58
		K1.87
		K1.89
		K1.53
		K2.34
		K1.41
		K1.80

Ol kago em hevi abrusim l6kg bai gat pe

MR BOSMAN BILONG STOA

I gat **FRI** hubba bubba Tee Shirt bilong yu!



taim yu baim
5 PELA BOKIS long wanpela long dispela prodak long
SEETO KUI PTY LTD
Long Lae brans tasol
Long mun 1st - 26th Februari tasol!
(6 pela T-Shirts long wanpela balk)

Pipia man maritim kum katim meri



BIPO bipo tru long ples Yomakawi insait long Sinasina eria long Simbu provins i gat wanpela man i stap. Nem bilong dispela man em Waipol.

Waipol i wanpela pipia man bilong ples. Planti pipel i no save laikim em na em i wanpela singelman.

Long wanpela taim, em i stap long haus na tingting long go painim muruk long bus.

Long bikmoning tru, Waipol i lusim haus na go long bus. Em go olgeta long ples Talbakul long painim muruk.

Waipol i kamap long wanpela maunten na lukim lek mak bilong muruk long as bilong wanpela diwai. Ol muruk i bin kam kaikai pikinini bilong dispela diwai.

Long hapsait bilong maunten, em i lukim wanpela raunwara i stap. Em nau, boi nogut i putim olgeta samting bilong em na putim was long ol muruk i stap. Em i no go long wanpela hap, em hait i stap long dis-

pela hap tasol inap apinun.

Long apinun em i laik lukluk na nogat, em i lukim ol muruk i pulim lain i go long wara. Taim ol i kamap long wara, ol i rausim skin bilong muruk na kamap olsem man.

Taim Waipol i laik lukluk i go, em i lukim ol meri tasol i waswas i stap. Man, dispela taim maus bilong em i op na olgeta bun bilong em i guria. Waipol i lukluk i stap na lukim wanpela i kam bihain tru na rausim skin bilong em. Man dispela meri i no wanpela meri, em i kum katim stret. Taim em i go daun long wara long waswas, Waipol i go isi tasol na kisim skin bilong muruk na haitim.

Meri i kam antap na painim skin bilong em i no stap. Na em i stat long painim. Taim Waipol i lukim olsem, em i go isi tru na holim pasim dispela meri na kisim em i go long ples na maritim em.

Tupela i stap gut tru na kamapim tupela pikinini. Tasol wanpela taim, Waipol i krosim meri bilong em na em yet i go raun long bus. Meri i stap na em i tingting long ranawe na stat painim skin bilong em. Em i painim i go na lukim skin bilong em i stap aninit long sospen graun na putim.

Meri i putim skin pinis



em i go na tok save long tupela pikinini olsem taim papa i kam bek, tupela i mas tokim em olsem mama i putim skin bilong muruk na ranawe pinis.

Long apinun Waipol i kam bek long bus na tupela pikinini i tokim em long wanem samting mama i wokim.

Taim Waipol i harim olsem, em i wari nogut tru na stat painim meri

bilong em long bus. Em i painim i go na kamap long wanpela bikpela hul bilong ston na lukim wanpela bikpela man i sanap i stap.

Na em i tokim man ya olsem em i painim meri bilong em. Man ya i tokim Waipol long go insait. Taim Waipol i go insait, man em i lukim planti muruk tru. Man ya i tokim em olsem meri bilong em i stap

namba tri long lain. Waipol i go insait tasol na holim meri bilong em husat i sindaun namba tri long lain.

Waipol i holim pasim meri na meri i laik traim long paitim Waipol tasol em i no inap. Waipol i amamas tru na karim meri i go long haus na tupela i stap wantaim gen.

Michael Jack, Simbu.



■ KANAGE wantaim ol lain bilong em long ples Wawat i laik go singsing tumbuna long Mambe Misin stesin long Is Sepik provins. Tasol Kanage i no gat malo bilong pasim na singsing. Mekim i go nogat na em i go stilim andapens bilong wanpela yangpela meri na haitim long basket bilong em na karim i go long ples bilong singsing. Long hap, Kanage i pasim andapens bilong meri ya olsem malo na brukim skru na hatim singsing i stap. Taim boi i laik brukim kundu na skru tu i meknais, olgeta ai i pas long em tasol. Yangpela meri tu i kamap long ples bilong singsing na luksave pinis long andapens bilong em na wokabout i kam baksait long Kanage. Em kamap na kirap tasol pulim andapens long as bilong Kanage na boi nogut ya kirap nogut na bikmaus, "Hei. Stop puling in mai pens."

Raphael Akui, Kimbe, W.N.B.P.

□ PEKPEK kilim Kanage long bikmoning tru na spit i go long toilet na sindaun rausim kago i stap. Dua tu i no pas na wanpela dok i smellim pekpek na ron i go long toilet. Taim dok i kamap, Kanage i kirap nogut na bikmaus, "Blari longlong enimol. I luk olsem yu no gat liklik rispek bilong yu ya. Yu lukim mi wok long hatwok i stap long rausim sapial bilong ol aml tu o no gat." Em pekpek pinis na wokabout i go long haus. Pikinini i lukim papa i kam na kirap askim Kanage long wanem hap tru em i go stap na kam bek. Na Kanage i bekim, "Mi go rausim bom bilong ol Siapan na kam." Nau pikinini i askim papa bilong wanem na em i no laik rausim long haus. Na Kanage i bekim, "Pikinini, yu mas longlong ya. Sapos mi rausim dispela bom bilong ol Siapan long haus, atling yu wantaim mama bilong yu bai kisim bikpela bagarap ya. Long wanem dispela bom i gat marasin nogut ol i kolim fekfek."

Mathew Dawer, Kimbe, W.N.B.P.

Mi tingting kranki nau long meri bilong mi



Dia Lalplain,

Mi wantaim meri bilong mi bin marit inap 10-pela yia nau na stap amamas wantaim 6-pela pikinini.

Tasol mi painim olsem wanpela singelman i gat laik long meri bilong mi na askim em long lusim mi na maritim em.

Taim mi askim meri bilong mi long dispela samting, em i tokim mi olsem em i les long maritim dispela yangpela man. Na meri i tok olsem em i laikim mi na laik stap wantaim mi tasol.

Mi painim hat tru long bilipim ol toktok bilong em. Inap mi go long kot na rausim meri?

• SUSPICIOUS

Dia Pren,

I luk olsem bikpela hevi bilong yu em yu no gat bilip long meri bilong yu. Yu tokim mipela olsem yu wantaim meri bilong yu i bin stap gut na kamapim 6-pela pikinini. Bihain yu tok olsem wanpela singelman i bin lukim meri bilong yu na askim em long lusim yu na maritim em.

Tasol meri bilong yu i tok no gat long dispela singelman. Meri i tok em i gat laik long yu na i

laik stap wantaim yu tasol yu no gat bilip long toktok bilong em.

Bilong wanem na yu no bilipim toktok bilong meri? Yu no tokaut long wanem as tru na yu no bilipim meri bilong yu. I tru olsem arapela man i rong long traim stilim meri bilong yu tasol wanem rong tru em meri bilong yu i mekim long yu?

Yu askim sapos yu inap go long kot na rausim meri bilong yu. Tasol long ol toktok yu givim, em bai hat long yu go long kot. Bikos yu no gat trupela stori long soim olsem meri bilong yu i rong. Yu mas i gat inap toktok olsem meri bilong yu bin slip wantaim dispela singelman. Tasol nau yu i no gat ol kain toktok helpim yu long kot.

Mipela i ting olsem tupela marit husat i bin stap gut longpela taim i mas gat hevi. Bikos long pasin nogut sampela lain i wokim long traim bagarapim marit.

Mipela i bilip dispela man bai stap longwe long yutpela wantaim. Mipela i bilip tu olsem yutpela bai tok sori long pasin arapela i wokim na traim long stap gut wantaim gen.

Sapos yu wanpela Kristen, mipela i askim yu long pre long God na askim em long helpim yu long save gut na askim em long lus tingting long pasin nogut bilong yu.

Mi Lalplain

Salim ol hevi na wari bilong yu i kam long LAIPLAIN, P.O.Box 6047, Boroko. Yu ken ringim mipela tu long telipon namba 260011. Mipela i no inap autim trupela nem bilong long hia



• Dispela paip wara bilong Nesenei Kapitel Distrik Komisen antap tasol long Word Publishing opis long Gaden Hills setelmen i bin bruk, na wara i kapsait moa long wanpela mun olgeta. NCDC i stretim tasol ol lain long setelmen i brukim gen. Dispela wik tasol long Tunde ol i pasim bipo Wantok i kisim dispela poto long Mande apinun. Poto: Winis Map.

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH: Miri Aiori - Ext. 203
John lagata - Ext. 215
Kosinto Fosagu - Ext. 216
Bonner Hui - Ext. 202

PAPUA NIUGINI TAKIS OPIS

EKT BILONG WOKIM BUK 1974

I gat spes nau bilong kisim ol aplikesen long wokim buk (Bookmakers Licences) long hap bilong Kimbe insait long Wes Nu Briten provins.

Moa tok save bilong dispela wantaim ol aplikesen fom i stap long dispela adres:

COMMISSIONER GENERAL OF INTERNAL REVENUE
P.O. Box 502
PORT MORESBY
NATIONAL CAPITAL DISTRICT

o yu ken toktok wantaim mipela long telipon namba 22 6718.

Las de bilong kisim ol aplikesen em long Sande, 28 Februeri, 1993.

NAGORA BOGAN MBE
Komisina Jenerel bilong Intanel Revenu.

HARIM!

WANTOK

NIUSPEPA BILONG PAPUA NIUGINI STRET

EMI

Pepa bilong yumi stret

BAIM WANPELA TETE!!

40t tasol!!

Tok Sori



Vais Sansela, ol wokman na sumatin bilong Papua Niugini Yunivesiti bilong Teknoloji

I laik salim tok sori bilong ol i go long

Mrs Josephine Poang na tupela pikinini, Lulu na Ronnie

long indai bilong man na papa bilong ol,

Mr Tom Poang

Planti ol lain husat i save long em, i save wok na stap klostu wantaim em bai misim em tru.

Em i ken slip wantaim bel isi

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH: Miri Aiori - Ext 203
John Iagata - Ext 215
Kosinto Fosagu - Ext 216
Bonner Hui - Ext 202**PAPUA NIUGINI TISA ASOSIESEN**

FRI EDUKESAN INSAIT LONG PAPUA NIUGINI (LUKLUK BILONG OL LAIN LONG PNG TISA ASOSIESEN)

Tok i go pas

Dispela polisi toktok bilong minista bilong Edukesen long 8 Desemba, 1992 long fri edukesen na i bin kamap long 23 Desemba i soim ples klia wanem samting em gavman i laik mekim long dispela samting em i kolim olsem fri edukesen long stat bilong ol skul long 1993.

Inap long taim dispela gavman i bin toktok long fri edukesen i kam nau, kain kain bekim na toktok i bin kamap long dispela samting.

Planti lain i tok dispela toktok bilong gavman long fri edukesen i sut long hap hap edukesen em gavman bai baim hap na ol papamama bai baim narapela hap.

Bihainim dispela tingting, toktok mipela i givim nau bai traim kliam tingting long wanem na dispela toktok bilong fri edukesen em tru tru i bihainim pasin bilong baim hap hap. Mipela bai traim long tok klia tu long wanem kain hevi bai kamap bihainim dispela tingting.

Long dispela yia, gavman i givim K20.5 milien long lukautim wok bilong fri edukesen. Na mipela bai traim tokaut klia tu sapos dispela mani inap karamapim dispela wok o nogat.

Fri Edukesen bilong wanem

Gavman i laik mekim olsem long putim gen moa mani long han bilong ol pipel. Long wanem, dispela i sanap olsem wanpela namba wan rot bilong traim stretim sindaun bilong ol pipel. Tasol long wankain taim, em i mas redi long karim planti hevi em fri edukesen long PNG bai bungim. Dispela tingting i kamap tu long givim sans long planti pikinini moa long go skul na kisim liklik save bilong rit na rait.

Tasol mipela tu i no klia sapos ol pipel bai yusim dispela ekstra mani long gutpela rot. Dispela i stap hait yet.

Long wankain taim yet, polisi bilong fri edukesen inap daunim tu tingting bilong givim praimeri edukesen long olgeta yia 2000. Bikos i no gat tok klia nau sapos bihainim tok tok bilong fri edukesen bai gat inap spes bilong olgeta pikinini husat inap go long skul. Long skulim olgeta pikinini long yia 2000, dispela i min olsem i mas gat moa nupela skul. Sapos no gat, dispela ol skul nau i stap i mas go bikipela moa yet. Na tu, wok bilong trenim moa tisa i mas kamap na i mas gat moa samting bilong wok. Tasol long mekim dispela olgeta samting, i mas gat mani.

Bihain long yumi glasim pinis ol dispela samting, i gat tok politik bilong en tu i stap. Ol pipel bilong Papua Niugini i save laikim skul. Na wanem gavman i givim fri edukesen bai kisim sapat bilong bikipela lain manmeri. Na i tru olsem wok politik oltaim i mas stap long namel mak.

Edukesen em fri o nogat?

Toktok bilong gavman long fri edukesen i soim tu ples klia wanem samting bai kamap long ol kain kain mak bilong ol skul.

Stat long ol tok ples skul i go antap long gret 8, gavman bai baim olgeta skul fi na ol samting bilong yusim long skul. Bilong ol SDA skul tasol nogat. Na long ol arapela klas bihain long gret 8 wantaim ol vokesenel skul, gavman bai baim hap na ol pikinini bai baim narapela hap.

Aninit long nupela polisi, Bod ov Menesmen na Bod ov Gavenas i no inap bungim mani bilong ol yet long baim ol samting i no stap insait long kos bilong ol skul fi bilong lukautim na mekim ol wok bilong stretim ol klasrum, wokim ol nupela skul na haus bilong ol tisa.

Wok bilong dispela nau i stap long han bilong ol papamama. Na wantaim dispela save olsem ol papamama i no inap baim skul fi, ol bos bilong skul bai apim ol bod fi bilong ol go antap olgeta bilong kirapim ol wok projek long skul.

Ol bos bilong edukesen long provins i no inap wari nau long ol wok bilong lukautim na stretim ol klasrum, haus bilong ol tisa na wokim ol nupela haus. Bikos dispela wok nau

i stap long han bilong ol papamama.

Nau taim gavman i toktok long baim ful o hap kos bilong skul fi, wanpela samting i stap klia tru. Ol papamama bai lukautim yet kos bilong ranim na lukautim ol samting long skul. Na dispela i min olsem ol papamama i mas wok hat yet long lukim olsem pikinini bilong ol i kisim gutpela skul.

Olsem na dispela toktok bilong fri edukesen i no stret. Klia tok bilong dispela i mas kamap olsem em i hap hap edukesen, na i no fri.

Baim hap hap long skul i no nupela samting

Tingting bilong gavman long baim hap skul fi long PNG i no nupela. Stat long 1988 i kam inap nau, gavman i save givim hap mani bilong ol skul i go long ol memba long Nesenel Palamen. Long sampela provins, dispela mani i kisim ples bilong wanpela Tras Akaun bilong skul (Seta Fi). Bipo, ol papamama i save baim K1.50 i go long skul bilong yusim long baim ol samting bilong skul.

Ol narapela bikipela halskul tu i save kisim ol narapela helpim mani i kam long gavman. Na dispela mani i bilong mekim wanpela kain wok.

Ol haikul i save kisim sampela helpim mani bilong kisim na baim ol arapela wokman bilong skul. Ol i save kisim tu hap mani bilong lukautim na stretim ol samting long skul. Gavman i save givim tu hap mani bilong baim ol nupela buk bilong ol haus buk (laiberi).

Long ol koles na ol arapela bikipela skul, gavman i save baim bikipela hap mani tru bilong ol skul fi, haus slip fi, kaikai na ol narapela samting aninit long Nesenel Skolasip Skim (Natschol).

Kos bilong trenim ol tisa i save stap long han bilong Nesenel Gavman. Na tu long kos bilong wokim ol nupela skul na stretim ol dispela gavman skul nau i stap long en. Dispela i no karamapim ol misin skul.

Olsem na long bipo, gavman i save mekim bikipela wok tru long helpim wok edukesen insait long kantri. Na bihainim ol samting nau i kamap, em i bikipela samting tru olsem gavman i mas go het long mekim ol dispela wok.

Na sapos gavman i laik traim long stapim sampela bilong ol dispela helpim em i bin givim bipo long wok bilong stretim, ranim na lukautim ol skul, dispela bai kamapim bikipela hevi tru long wok edukesen long kantri na ol arapela wok kamap insait long Papua Niugini.

Bikipela kos nau i min olsem liklik lain tasol bai inap salim ol pikinini bilong ol i go long skul. Na dispela bai kamapim moa hevi bikos bai i gat tupela kain grup bilong ol save-man na ol grasrut.

Tasol long bipo yet i kam, mipela i lukim klia pinis olsem mani na helpim gavman i givim i no inap long kain samting em ol skul bilong yumi i laikim long en. Olgeta helpim bilong ol papamama long ol skul fi, bod fi, seta fi na P&C fi i bin givim bikipela helpim tru long kirapim wok edukesen insait long dispela kantri.

Olsem na em i bikipela samting long ol papamama wantaim gavman i wokbung long helpim na lukautim wok edukesen insait long kantri olsem long bipo.

Lukautim mani bilong fri edukesen

Long bipo, gavman i save givim mani bilong ol skul i go long ol memba. Na ol bai brukim na tilim dispela mani i go long ol wan wan skul insait long ol ilektret bilong ol. Tasol i gat sampela bikipela hevi tu i kamap. Planti memba i no save givim dispela mani hariap long ol skul bilong ol. Bikos long olgeta skul yia, wan wan skul i save laik sindaun na redim ol progrem na plen bilong en pastaim long skul i stat.

Tasol planti piksa i soim mipela olsem ol dispela mani i save kamap bihain tru long skul i stat pinis o wanpela yia bihain long taim ol i makim long en. Na dispela i bin kamapim planti toktok na hevi. Planti skul projek i no kamap bikos i no gat mani bilong mekim ol dispela wok.

i go moa long pes 19

WANTOK

NIUSPEFA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

PH Min Aion Ext 203
John Iagata Ext 215
Kusinto Fosagu Ext 216
Bonner Hui Ext 202**PAPUA NIUGINI TISA ASOSIESEN**

i kam long pes 18

Ol rekot i soim tu olsem planti skul i no gat tok orait bilong kisim ol dispela mani. Olsem na ol memba bilong palamen tu i no save laik givim dispela mani long ol skul. Bikos ol i tok ol skul i no inap kisim dispela mani.

Olsem na em i stret long mipela i tok kain rot bilong lukautim na kisim mani bilong ol skul long bipo i no wok stret.

Bihainim nupela rot, gavman i laik putim dispela mani i go long ol provinsal edukesen tras fan, wankain olsem ol olpela seta fi. Na provinsal edukesen opis long wan wan hap bai givim dispela mani i go long ol skul. Na aninit long lo, wan wan skul yet bai lukautim wok bilong mani bilong en.

Tasol i gat planti hevi gen bai kamap. Planti het tisa bilong ol skul i no klia tumas long dispela nupela lo bilong lukautim mani. Olsem na moa hevi inap kamap. Long haikul bai i orait liklik bikos ol tisa i kisim sampela trening long wok bilong lukautim dispela mani, tasol long komyuniti skul em nogat tru.

Na ol kain hevi bilong bipo inap kamap gen.

Provinsal Edukesen opis na nesenel dipatmen bilong Edukesen i mas kamapim ol rot long wanem samting bilong mekim. I mas gat ol tok save pepa na arapela samting bilong helpim ol het tisa bilong ol skul long rot bilong lukautim na yusim dispela mani olsem bai ol inap bihainim stret.

Sapos dispela ol samting i no stap, moa bikpela hevi bai kamap.

Olsem ol haikul hetmasta, ol het tisa bilong ol komyuniti skul tu i mas go kos long wok bilong lukautim na yusim helpim mani ol i kisim long gavman. Bikpela wok i mas kamap hariap long dispela.

Sampela hevi nabaut

Olsem mipela i toktok pastaim pinis, wok bilong lukautim na yusim mani aninit long fainens menesmen ekt bai kamapim planti hevi moa. Na planti bilong dispela bai kamap long ol komyuniti skul.

Na wankain tu long bikpela wok bilong brukim na tilim mani i go long ol wan wan skul. Mipela i mas tingting tasol olsem sampela mani bai go stret long ol skul pastaim long skul yia i stat.

Nau gavman bai baim bikpela hap mani bilong ol skul. Tasol mipela i mas klia tu olsem dispela bai bringim nau bikpela hevi bilong ol spes. Na dispela bai go antap long bikpela mak tru. Tasol long nau yet, i nogat nupela o planti spes.

Ol provinsal Edukesen atoriti i mas save olsem planti papamama bai laikim ol pikinini bilong ol long go skul tasol bai nogat inap spes. Olsem na ol i mas painim sampela we long daunim dispela hevi.

Ol i mas mekim ol skul nau i stap kamap bikpela o kamapim ol nupela skul. Dispela em wanpela rot long daunim dispela hevi. Tasol narapela samting em we ol fan bilong baim ol samting bilong kirapim ol nupela skul bai kam long en.

Wanpela hap we ol inap long kisim planti moa studen em Koles bilong Distens Edukesen (CODE). Aninit long nupela polisi, gavman bai baim K40 long wanwan sabjek bilong wanwan studen. Olsem na ol studen bai baim K5 tasol. Yumi ken luksave olsem Koles bilong Distens Edukesen em bikpela haikul tru insait long kantri.

Planti lain bai go skul gen long CODE. Tasol hevi bai ol tisa i painim nau em hamas ol studen ol inap long kisim.

Narapela hevi bai kamap tu em olsem bai nogat inap samting bilong ol studen long yusim. Na bai i gat hevi long namba bilong ol tisa long dispela ol skul. Olsem na ol koles ya i mas tingting long kisim moa wokman. Na dispela i gat hevi tu. Bikos ol i mas painim mani long sampela hap long baim ol dispela wokman. Na yumi no klia sapos gavman bai lukluk long helpim long dispela sait tu. Nogut bai em givim tasol mani bilong helpim baim ol fi bilong ol studen.

Sampela provinsal i kamapim pinis sampela plen long mekim ol samting ol 5 nupela haikul olgeta yia. Ol i mekim dispela long traimekim polisi bilong gavman wok na daunim hevi bilong nogat inap spes.

Bikos bai i gat hevi bilong spes long ol skul, ol tisa bai kisim belhat bilong ol papamama bilong ol pikinini husat i no inap long painim spes long go skul.

Na yumi save olsem nogat man inap long stapim ol dispela kain pasin long kamap. Planti lain i ting olsem dispela K20.5 milien gavman i givim i inap. Tasol kainkain samting i soim nau olsem dispela ol mani i no inap.

Bikos ol i givim mani bihainim namba bilong ol studen husat i skul long 1992. Tasol dispela yia bai narapela liklik bikos long dispela fri edukesen polisi.

I gat tok i kam long ol provinsal atoriti, olsem namba bilong ol studen husat i laik go long ol komyuniti skul na vokesenel skul bai go antap namel long 10 - 20 pesen.

Na ol bai painim wankain hevi olsem ol Koles bilong Distens Edukesen. Wanpela we bilong daunim dispela hevi em long apim sampela fi. Na dispela bai hatim bel bilong sampela papamama husat i kisim kranksi tingting olsem edukesen em fri na ol no inap baim wanpela samting long edukesen bilong ol pikinini bilong ol.

Wanpela samting i no gutpela tumas em olsem ol skul bilong Sevan De Misin i no stap aninit long dispela fri edukesen polisi bilong gavman. I tru olsem dispela ol skul i no save yusim ol wankain stail bilong skulim ol studen bilong ol.

Tasol wanpela samting yumi mas tingim em dispela. Ol dispela skul i olsem ol narapela misin skul insait long kantri. Bikos ol i givim edukesen long planti bilong ol pipel bilong PNG. Na i gutpela pasin long gavman givim ol sampela helpim.

Ol rekot i soim olsem ol pikinini husat i save go long ol SDA skul i save baim moa skul fi winim long ol arapela pikinini long ol arapela skul. Na dispela ol lain i mas i gat helpim.

Fri Edukesen mani i bilong baim ol samting ol pikinini bai yusim long ol skul. Tasol ol skul yet i mas painim mani long sampela hap long lukautim ol klasrum na skul bilong ol. Na askim nau em sapos ol skul ya i gat inap mani.

Ol klasrum na haus bilong ol tisa nau i no gutpela. Ol i bagarap. Na i no long taim bai ol klasrum bai bagarap tu. Na sapos olsem wanem, gavman bai givim fri edukesen long ol pipel husat bai go skul long ol hap we ol klasrum na ol haus bilong ol tisa i bagarap.

Wanpela samting yumi mas klia long em tu em kos bilong ol samting bilong skul. Kos bilong ol dispela samting i bikpela. Nau olsem gavman i pasim pinis ol gavman stoa, ol skul bai painim hat long baim ol samting bilong yusim.

Gavman i ting olsem dispela polisi bilong em long helpim baim hap skul fi i gutpela. Em i no helpim ol skul liklik. Wanpela samting ol skul i mas gat nau, em wanpela rot bilong kisim ol skul saplai long liklik mani. Olsem na gavman i mas opim gen ol gavman stoa long helpim ol.

Yumi mas lukautim dispela sistem bilong edukesen yumi gat long en. Tasol i luk olsem dispela bai i no inap olsem. Sapos bikpela namba bilong ol pikinini i go skul, bikpela hevi long sait bilong klasrum na skul saplai bai kamap.

LAS TOK

Fri Edukesen polisi bilong gavman bai helpim planti ol lain husat i no inap long baim ol skul fi bilong ol pikinini bilong ol. Na planti lain i amamas long dispela.

Tasol planti lain i kisim dispela tok kranksi olsem edukesen em fri olgeta. Planti skul bai sasim fi yet long kamapim ol projek bilong ol. Olsem na ol papamama bai peim skul fi yet.

Olpela gavman i bin givim edukesen subsidi. Na dispela i no bin wok gut. Olsem na mipela i tingting olsem dispela nupela polisi tu bai kamapim planti hevi sapos i no gat wanpela klia polisi tokaut long we bilong menesim, skelim na toksave long we ol skul i yusim ol mani.

Ol hevi kam wantaim nupela fri edukesen polisi bilong gavman i bikpela. Olsem na edukesen dipatmen na ol provinsal atoriti mas redi long bungim ol kainkain hevi. Pasin bilong toksave tasol i no inap. I mas i gat sampela rot long stretim ol hevi sapos ol i kamap.

Polisi i lukluk long helpim ol pipel. Tasol ol papamama mas noken lus tingting olsem ol tu i gat bikpela wok long givim edukesen long ol pikinini bilong ol. Helpim bilong ol long skulim ol pikinini bilong ol i mas kamap long sait bilong mani na ol arapela samting. I no wok bilong gavman wanpela o ol papamama yet. Ol papamama wantaim gavman i mas karim wok bilong skulim ol pikinini.

Olsem na ol papamama i mas yusim het bilong ol taim ol i laik bringim ol pikinini bilong ol i go long skul. Ol mas noken hatim ol tisa long bihainim laik bilong ol na lus tingting long ol edukesen polisi. As tingting bilong edukesen insait long kantri em long kamapim ol planti ol gutpela saveman.

Ol tisa i mas tingim dispela taim ol i toktok wantaim ol papamama long edukesen bilong ol pikinini bilong ol. Bikos planti papamama bai no inap wanbel sapos ol pikinini bilong ol i no go skul.

Las tru, fri edukesen polisi i bilong helpim ol pipel. Na sapos ol pipel i bihainim gut, em bai karim gutpela kaikai. Sapos ol pipel i no bihainim gut, em bai kamapim planti hevi.

Moses Kanawi Talan
Nesenel Jenerel Seketeri
Papua Niugini Tisa Asosiesen

PORT MORESBY MEN'S SOFTBALL ASSOCIATION February 7, 1993

Table with columns: Time, Dd, Team, UMPIRE. Contains fixtures for "A" Grade, "B" Grade, and "C" Grade.

PORT MORESBY WOMENSSOFTBALL ASSOCIATION SEASON DRAW ROUND 2: WEEK 6: SATURDAY FEBRUARY 6, 1993:

Table with columns: Time, Gr, Fixtures, Umpire. Contains fixtures for Diamond One, Diamond Two, and Diamond Three.

PORT MORESBY WOMENSSOFTBALL ASSOCIATION SEASON DRAW ROUND 2: WEEK 6: SATURDAY FEBRUARY 6, 1993:

Table with columns: Time, Gr, Fixtures, Umpire. Contains fixtures for Diamond One, Diamond Two, and Diamond Three.

COCA COLA WORLD SEVENS TIMETABLE FRIDAY, FEBRUARY 5, 1993 GATES OPEN 6PM

Table with columns: TIME, FIXTURE, GAME NO. Lists various international teams and their matchups.

SATURDAY, FEBRUARY 6, 1993 GATES OPEN 4 PM

Table with columns: TIME, FIXTURE, GAME NO. Lists international teams and their matchups for Saturday.

KAVIENG SOFTBALL ASSOCIATION 1992/93 PROGRESSIVE LADDER: ROUND TWO: GAME 4:

Table with columns: MENS DIVISION, NAME, POS, G, W, L, D, F/F, PTS, DIFF. Lists men's division results.

WOMENS DIVISION

Table with columns: NAME, POS, G, W, L, D, F/F, PTS, DIFF. Lists women's division results.

Win - 3 Loose - 1 Draw - 2 F/feith - 0

LAE WOMENS SOFTBALL ASSOCIATION DRAW 1992/93 SOFTBALL SEASON - ROUND SATURDAY FEBRUARY 6 1993:1 & 1 DRAW GAME NO. 10 Diamond One

Table with columns: Time, Games, Umpire. Lists women's softball fixtures.

Table with columns: Time, Games, Umpire. Lists women's softball fixtures for Diamond Two.

Table with columns: Time, Games, Umpire. Lists women's softball fixtures for Diamond Three.

Table with columns: Time, Games, Umpire. Lists women's softball fixtures for Diamond Four.

RABAU WOMENS SOFTBALL ASSOCIATION

Saturday February 6, 1993.

Week 5, Round Two

Table with columns: Time, Fixtures, Umpires. Lists fixtures and umpires for Rabaul Women's Softball.

BROWN'S ELECTRICAL 7- ASIDE SOCCER COMPETITION

"1993 - FAIR PLAY"

Table with columns: TIME, FIXTURE, GD, REF. Lists soccer fixtures and referees.

LAE RUGBY LEAGUE MOROBE BAKERY SEVEN-A-SIDE RUGBY LEAGUE DRAWS

Sunday February 1993 Rounds 1 & 2

Table with columns: TIME, FIXTURE. Lists rugby league fixtures.

KAVIENG SOFTBALL DRAW

Saturday 06/02/93

Table with columns: Time, Teams, Umpires. Lists Kavieng Softball fixtures for Saturday.

Sunday 07/02/93

Table with columns: Time, Teams, Umpires. Lists Kavieng Softball fixtures for Sunday.

Kavieng Tigers (W) Bye

RUGBY SEVENS DRAW UNIVERSITY NO. 1 OVAL

Saturday 6/2/93

Table with columns: Time, Teams, Grade. Lists Rugby Sevens fixtures.



Kas bilong ol Wota Bot... Oi pilala bilong Wota Bot tim bilong Madang Sofbal resis bilong ol man i bung, na soim pawa bilong ol long Bates Memorial Oval. Dispela em bipo long ol i bungim narapela top tim, Kabi. Tupela wantaim i no skoarim wanpela ran na i dro. tasol Kabi i go pas yet long popin lata wantaim 21 poin, na wota Bot i smelim antaim 20 poin. Poto: Ben Taumai.

Kosa Badi Dou bilip olsem:

Mosbi Vipers bai autim stail long Sidni 7 asait resis

LEO WAFIWA i raitim

MOSBI bai pilai namba wan gem bilong em long Coca Cola 7 asait resis long Sidni, Australia long Sarere Februeri 6, 1993. EMTV bai soim ol pilai bilong dispela resis tu.

Dispela em i namba 16 gem bilong resis bipo long nokaut final, na bai kamap long 30 minit i lusim 6 klok apinun (6.30pm) egens Newcastle.


Na tupela aua bihain bai Mosbi i pilai Wes, narapela tim bilong Sidni Lig resis.

Newcastle i gat nem long winim dispela 7 asait resis long sampela yia i go pinis. Newcastle na Wes i gat nem long pilai srong long resis bilong 1992 sisen. Olsem na tupela bai givim bikpela salens stret long ol boi bilong Mosbi Vipers.

Tasol kosa Buddy Dou i bilip olsem ol boi bilong em bai autim nupela stail, long daunim ol dispela salens.

Em i tok las yia em i no save gut long rul bilong pilai. Dispela em long senisim ol pilai. Olsem na em i bin kalap nogut long lukim Manly tim i senisim ol pilai hariap hariap, na Mosbi nogat.

Mista Dou i tok insait long tim i gat sampela gutpela pilai bilong skoa olsem Michael Toivita, Jack Uradok,



• Ol roket bilong helpim Vipers long pre-tim Newcastle na Wes. Long lephan na I go em Jack Uradok, Michael Toivita na James Miviri. *Poto: James Kila.*

James Miviri, na Richard Wagambie. Olsem na bihain long Vipers i skoa, ol bai apim han hariap na kam ausait.

Na ol pilai husat i no fit long skoa, tasol i gat nem long takel bai kisim ples. Na ol pilai bilong skoa bai wokabaut long sait lain i kam na go insait gen long fil, taim Vipers i kisim bal na ran i go

antap long skoa.

Taim ol dispela pilai i go insait, ol pilai husat i go insait long takel bai kam ausait.

Kosa Dou i bilip ol arapela tim i yusim dispela stail, bihainim rul na winim ol nogut tru long resis bilong las yia. Olsem na em i luksave pinis long bihainim.

Narapela samting em long kik. Kosa Dou i

tok ol pilai i kik tumas, na i no holim bal oltaim long trik na go skoa. Ol i kik tumas na birua i kisim bal na skoa.

Newcastle bai soim strong bilong ol pilai olsem Michael Hag-

gon. Wes bai paia wantaim ol stail pilai olsem Garry Freeman, Jason Taylor na David Gillespie.

Tasol Vipers tu i gat ol pawa nogut em bai kam aut long ol pilai olsem Michael Toivita

(Wes), na tupela winga bilong Difens (James Miviri na Jack Uradok).

Ol arapela pilai husat i gat spit na stail bilong jik jek na skoa em Stanley Haru (Kepten), Tuksy Karu (Wes), Aquila Emil

(Brothers), Richard Wagambie na Philip Boge.

Tupela fowat bilong strongim tim em Daroa Ben Moide bilong Air Niugini, na Kera Ngaffin bilong Difens.



• 1993 Mosbi Vipers tim husat i makim Papua Niugini long 7 asait resis long Sidni. Long lephan na I go em (baksait) em trena John Lynch, Daroa Ben Moide, Richard Wagambie, Kera Ngaffin, James Miviri, Tuksy Karu, kosa Badi Dou, (fran lain) Phillip Boge, Jack Uradok, Michael Toivita, kepten Stanley Haru na Aquila Emil.

Ol pilai husat i go pilai long dispela resis long las yia em Wagambie, Ngaffin, Karu, Boge, na Emil. Olsem na eksplriens bilong ol bal sapotim tru dispela nupela tim long win. *Poto: James Kila.*

Souths bai wokhat long trenim ol yangpela

DOMINIC KAKAS na LEO WAFIWA i raitim

SAUTS Ragbi Lig klap bilong Mosbi i tokaut pinis long putim moa taim long trenim ol junia pilai.

Toksave bilong dispela i kamap long taim klap i kisim bikpela sponsa bilong em long 1993 sisen.

CIG Papua Niugini Pty Ltd i sponsaim gen Souths. CIG em i wanpela kampani husat i save mekim wok bilong kukim na weldim ol samting. Na i save wok long 4-pela senta bilong Papua Niugini na i gat opis long olgeta hap bilong kantri.

Ol bikman bilong CIG na Souths i tokaut long dispela sponsasip long Mande Janueri 1. Dispela em long wanpela liklik bung em i bin kamap long

Mosbi Ragbi Lig Klap (PRL) haus. Hamas nani CIG bai sapotim Souths bai kam aut long bihain.

Wantaim moa, sampela wik tasol bipo long 1993 sisen i stat, Souths i kisim bikpela helpim i kam bek gen long CIG, "presiden bilong Souths, Muli Kera i tok olsem.

Mista Kera i tok sponsasip bilong Souths bai i stap longpela taim bihain. Dispela i no long helpim tasol klap i winim ol gem bilong em. Nogat. Sponsasip bai helpim tu long lainim ol yangpela pilai long pilai gut.

"Mipela i luksave olsem ol dispela pilai bai strongim nem bilong klap long bihain taim. Olsem na mipela i mas luksave na lainim ol taim long dis- i go moa long pes 22



• Ol opisal bilong Souths klap wantaim tupela bikman bilong Souths Ragbi Lig klap i bung wantaim, na soim pawa bilong Souths long 1993 sisen.

BENSON & HEDGES SOCCER

Ol Simbu redi pinis long 1993 soka sisen

WINIS MAP I raitim

SIMBU Soka Asosiesen (SSA), husat i no bin holim ol kik bilong 1992 sisen i redi nau long 1993 sisen.

Simbu em i namba wan B senta long baim K500 afiliesen fi i go long Papua Niugini Futbol Asosiesen (PNGFA).

Ol i bin baim fi bilong ol taim PNGFA i holim

bikpela kibung (AGM) bilong en long Goroka. Na nau ol i redi long baim pilaia registresen fi sampela taim long mun Mas.

Dispela i soim olsem ol pipel bilong Kundi-awa i gat bikpela laik yet long kik, maski ol i gat hevi long las yia.

Las yia hevi i bin kamap bikos Simbu i gat wanpela fil em ol i save yusim long ragbi na soka wantaim. Na las yia ol lain bilong ragbi lig tasol i bin

yusim fil, bikos ol i gat planti tim.



Na long larim soka i stap laip yet, presiden bilong SSA, Willie Bagore i go het na bungim ol soka pilaia na statim gen kik long mun Desemba 1992. Ol pri sisen kik i bin kamap long namba wan wik bilong Desemba na pinis long las wik bilong mun Desemba.

Bihain tasol long pri sisen resis, ol i bin holim kik bilong sisen tru. Olgeta kik bilong sisen tru i bin ran gut

tasol. Na ol i bin pinisim olgeta kik bilong raun wan long las wik Sarere. I gat narapela tupela raun i stap yet. Olsem na ol bai statim gen raun tu long dispela wiken.

I gat 11-pela tim i pilai nau long Simbu, 6-pela tim i bilong ol man na 5-pela bilong meri.

Bagore i tok ol i nogat taim long kamapim ol arapela divisen. Olsem na ol i larim tupela divisen tasol long kik.



• Tripela tim poto ya i bilong Buka basketbal sempionsip.

Souths bai wokhat long trenim ol yangpela

i kam long pes 21

pela pilai," Mista Kera i tok.

Em i tok moa olsem Souths i laik mekim ol dispela samting i karim kaikai wantaim ol dispela plen:

- Makim ol gutpela kosa husat bai wok aninit long kosa Badi Dou;
- Bungim mani bilong karimaut sampela kosing klinik. Dispela bai helpim ol yangpela pilaia long lainim pilai aninit long gutpela na wankain lukaut bilong kosa, olsem ol A gret pilaia i save kisim.
- Apim ol yangpela pilaia i go pilai long sinia gret. Dispela bai helpim ol yangpela pilaia long kisim luksave, na lainim pasin bilong pilai gem i gat strongpela salens;
- Givim sampela gutpela bekim i go long ol pilaia. Dispela bai mekim ol pilaia i tingting strong long.

pilai gut.

Mista Kera i tok klap bai wok strong long painim mani bilong em yet. As bilong dispela em long soim sponsa olsem em yet i ken painim sampela mani.

"Long wok bung wantaim, CIG na Souths i ken kamapim wanpela gutpela samting, i no long resis tasol, tasol long mekim spot i kamap bikpela moa long kantri bilong mipela," Mista Kera i tok.

Menesing Dairekta bilong CIG, Barry Burke i tok wok bung wantaim Souths na kampani bilong em i go bek long 5-pela yia i go pinis. Dispela em long taim Souths i pilai long sabeben lig. Na las yia tasol CIG i kamap bikpela sponsa.

Mista Burke i tok kampani bilong em i amamas long wok bung wantaim Souths, na helpim long mekim spot i kamap bikpela long PNG.

Nupela Wau spot asosiesen redi nau long statim ol pilai

NUPELA spot asosiesen long Wau, Morobe provins i redi nau long statim ol namba wan pilai bilong en.

Kobiak Spot Asosiesen long Wau i gat tingting long statim soka na basketbal resis nau. Sampela wik i go pinis, distrik spot kodineta long Wau i bin givim tok orait long ol pipel bilong Kobiak long statim spot asosiesen bilong ol yet.

Nau ol i redim olgeta samting pinis long statim ol namba wan gem.

Namba wan gem bilong soka na basketbal bai kamap long dispela wiken. Dispela em pri sisen gem bipo long ol i go long sisen tru.

Samting olsem 8-pela tim i givim nem pinis long stap insait long basketbal na soka pri sisen resis. Long pri sisen resis, ol man bai pilai soka na ol meri bai pilai basketbal.

Long soka, i gat 4-pela tim. Ol meri i gat 4-pela tim tu long pilai basketbal.

Tingting bilong Wota Bot long win i popaia

RAPHAEL ELLIOT I raitim

BIKPELA tingting bilong Wota Bot long win i popaia taim ol i dro wantaim Kabiu, 0-0, long Madang Sofbal resis bilong ol man long las Sande.

Dispela gem i kamap long Bates Memorial Oval we plant manmeri i bin amamas tru long lukim.

Kabiu i winim tos na i stat long bat, na Wota Bot i kisim fil long namba wan ining.

Pitsa bilong Wota Bot, Auther Palat i no wet. Em i autim tripela namba wan bata bilong

Kabiu long K2 tasol.

Tasol taim Wota Bot i bat, ol i no ranawe long ol Kabiu.

Intenesenel pitsa, Allan Tomang i mekim wankain pasin olsem poro bilong em long Wota Bot.

Em i rausim ol bata bilong Wota Bot wantu tasol.

I nogat planti bata i bin ran i go long namba tu o namba tri bes. Long wanem banis bilong tupela tim wantaim i strong tru. Planti bilong ol dispela bata i aut tasol long namba wan bes.

Tupela tim wantaim i wokim wankain stail bilong pilai i go inap long namba 4 ining.

Allan Tomang bilong Kabiu i

paitim kamap gut tru bal i go long aut fil, na ran i go long namba tri bes, na klostu pinis long hombes, tasol aut filda bilong Wota Bot, Victor Carson i kisim bal harjap tru na i salim i kam long ketsa, Parau Tavua na ol i autim em.

Sapos Carson na Tavua i bin jopai liklik, inap long Kabiu i win long wanpela ran tasol.

Wota Bot tu i bin wokim wankain pasin. Ol i pre bai mirakel i kamap taim ol i bet long namba 7 ining, tasol ol boi nogut bilong Kabiu i no larim ol i ranawe.

Ol meri Wantoks i strong yet

WANTOKS sofbal tim bilong ol A gred meri long Mosbi Sofbal resis i bin soim stail bilong ol taim ol i winim ol Royals 7 - 3 long las Sarere Janueri 30.

Stat long namba wan ining i go long namba tri ining, tupela tim i bin banisim ol yet gut tru. Mekim na nogat wanpela i bin mekim wanpela hom ran. Tasol long namba foa ining, Royals mekim tupela hom ran na Wantoks salim 5-pela rana i kamap hom 5 skoa.

Dispela i bin statim resis bilong

tupela tim long mekim planti hom ran, na i laik winim narapela tim. Tupela i resis i go na long las ining, ol Wantoks banisim gut ol Royals. Na ol i no bin mekim wanpela hom ran. Bihain taim ol i bet, ol i mekim tupela hom ran na bringim skoa bilong ol i go long 7, na lusim Royals bihain long tripela poin tasol.

Olsem na sapos ol i pilai bihainim dispela stail tasol, ol bai stap antap yet olsem wanpela top 5 tim bilong dispela sisen. Long nau yet, ol top 5 tim

insait long Mosbi Wimens Sofbal resis long A gred em Gazelle, Fuji, Royals, Wantoks na Mazda.

Tasol sapos ol i no lukautim ples bilong ol gut, ol nupela tim olsem Allstars na Malangan inap long kisim ples bilong ol. Bikos tupela i soim pinis tingting long kisim ples bilong ol tim ya.

Na gem bilong ol long raun wan i soim dispela. Na yumi noken kirap nogut sapos yumi painimaut long pinis bilong dispela raun olsem ol i kamap wanpela long ol top 5 tim.

BENSON & HEDGES SOCCER

Vanimo redi long semi na gren fainal kik

WINIS MAP i raitim

OL toktok bilong Vanimo Soka Asosiesen (VSA) i stret nau, na ol i redi long ol semi na gren fainal kik.

Presiden bilong VSA, Vincent Tumpi i tok em i kisim olgeta ripot bilong Judiseri Komiti pinis. Na nau em i redi long stretim ol samting bilong kik long semi na gren fainal. Judiseri Komiti i bin

stretim ol hevi long 23 Desemba, 1992. Tasol presiden i no bin kisim ripot bilong toktok komiti i mekim. Bikos wanpela memba bilong komiti i holim dispela ripot, na i no givim long presiden. Pre-

seten i kisim long las wik. Tumpi i laikim kik bilong semi fainal na gren fainal i kamap long 13 na 14 Februari. Ol kik bilong semi fainal bai kamap long 13 Februari, na

long de14, ol bai holim gren fainal. Semi fainal kik bilong B gret bai stap namel long Wutung na Lido. Na ol lain A gret bilong Wutung bai bungim Yako. Wanem B gret tim i

win bai bungim Asikai long gren fainal. Na long sinia gret, Lido bai bungim wina bilong Wutung na Yako long gren fainal. Gren fainal gem bilong ol meri bai stap namel long Waromo na ol susa bilong

Yako. Narapela samting em Tumpi i no amamas long ol toktok bilong tupela sinia pilai bilong Asikai na Wutung. Bikos tupela i no laik lukim em, na autim wari bilong ol.

Ol boi Avurigo soim stail long viles resis

AVURIGO soka tim husat i resis long Kamali viles kompetisen long Sentrel provins long las wik Sarere i soim gutpela gem, na klostu ol i winim top tim, Tampara.

Aninit long gutpela lukaut bilong kepten Kilavogo Karo, Avurigo i bin kamapim gutpela strongpela gem na holim lek bilong Tampara. Tupela tim i strong na dro 3-3 long ful taim.

Long namba wan hap bilong kik tupela tim i pilai strong tru. Tasol Maru Kwaiapo i painim umben na sutim namba wan gol bilong Avurigo. Bihain long dispela gol banis bilong Avurigo i bin strong tru. Ol straika bilong Tampara osem Kwalimu Vele, Kenneth Gele na Maino Kwalimu i wokhat tru long brukim umben.

Tasol sampela minit bipo long namba wan hap bilong pilai i pinis, Vele i painim banis i slek na

sutim namba wan gol bilong Tampara. Na stat long namba tu hap, Tampara i hangre yet long sutim gol, na sutim namba tu gol bilong ol.

Bihain long namba tu gol bilong Tampara, straika bilong Avurigo, Kilavogo Karo i painim umben na kisim skoa i go 2-2. Tampara i wokhat moa na sutim namba 3 gol bilong ol.

Avurigo i gat bikpela tingting long bekim namba 3 gol na tupela straika, Kwaiapo na lamo i wokhat tru long bekim gol. lamo i kisim bal na brukim stret umben bilong Tampara long kisim skoa i go 3-3 long ful taim.

Long narapela gem, Kinikele i bin winim Kwapiros 2-1.

Na long junia divisen resis, Avurigo i nekim Tampara 1-0, na Kinikele i rausim tiket bilong Kwapiro, 4-0.

Kokopo tim bosim nau Kavieng sofbal resis

TIM bilong ol man Kokopo i kamapim pinis sampela bagarap long Kavieng sofbal resis.

Bihain long 4-pela gem bilong raun tu, Kokopo i stap antap long poin lata. Ol boi Kokopo i gat 35 poin, na ol lain husat i stap namba tu long poin lata em Poroman, ol i gat 31 poin. Tupela tim i stap long namba tu ples em Tigak Gazelles 1 na Karanas. Dispela tupela tim i gat 30 poin. Ol arapela 6-pela tim i stap daunbilo long ol. Long divisen bilong

meri, ol susa bilong Kavieng Tigers i holim namba wan ples long sampela pesen. Tigers na Duaks i gat 32 poin tasol, ol susa bilong Tigers i win long sampela pesen.

Tim husat i bihainim tupela em Duaks na Kokopo, ol i gat 26 poin, na Manalos i stap long namba 5 ples wantaim 25 poin. Tupela tim bilong ol meri husat i save kamapim strongpela pilai em Kavieng Tigers na Duaks. Dispela i kamap ples klia long poin lata.

Long las wiken, tim bilong ol man Kokopo i bin wilwilim stret Kavieng Tigers na winim gem. Kokopo i soim tru olsem ol i wanpela strongpela tim long Kavieng sofbal resis, taim ol i daunim Kavieng Tigers 9-6.

Namba tu ples tim, Poroman i bin nekim Karanas taim ol i bung long bikpela gem long Sande. Karanas i traim long banisim Poroman tasol ol kas bilong Poroman i gat moa pawa na winim gem 10-6.

Namba wan gem long

Sande i bin stap namel long ol meri Tigak Gazelles na Highway-roots.

Sapotim soka tu na i no ragbi lig tasol

PRESIDEN bilong Simbu Soka Asosiesen, Willie Bagore i askim nau ol kampani insait long hailans long givim helpim i go long ol arapela pilai tu na i no ragbi lig tasol.

Dispela i save daunim wok bilong ol arapela pilai long kamap gut.

Bagore i tok sampela pilai i wok long pundaun nau, bikos no gat kampani i save lukluk long helpim ol.

"I tru olsem ragbi log i wanpela bikpela gem long Hailans, yumi mas lukluk long ol arapela pilai tu," em i tok.

Bagore i wokim ol dispela toktok bihain long

wanpela kampani long Kundiawa i givim tupela set yunifom long wanpela soka tim. Collins na Leahy Pty Limited i bin givim sampela yunifom i go long Guria soka klap.

Collins na Leahy Pty Limited i tingting tu long helpim Guria soka klap long wokim sampela samting bilong bungim mani. Na em i orait pinis long givim fri ol mit bilong frisa na ol arapela kaikai sapos Guria i tingting long wokim sampela kaikai na salim long bungim mani bilong klap.

Bagore i askim nau ol arapela kampani long Kundiawa long bihainim dispela pasin na helpim ol klap husat i gat hevi.

Wau Bulolo gat bikpela tingting long pilai ragbi

WAU i gat bikpela tingting long statim ragbi lig gem, maski Papua Niugini Ragbi Futbal Lig (PNGRFL) i stapim ol long pilai.

PNGRFL i bin stapim Wau/Bulolo lig long kamapim ol pilai bilong dispela yia bikos ol i no baim afiliesen fi bipo long taim PNGRFL i makim.

Tasol wanpela strongpela ragbi lig pilai long Wau, Pas Unage i tok dispela i no bikpela hevi. Nau em i laikim ol klap na pilai long bung na stretim toktok na ol i gen statim gem.

Unage i sutim tok i go long ol opisal bilong PNGRFL long i no givim inap taim long sampela liklik senta olsem Wau/Bulolo. Em i tok planti liklik senta i save painim hat tru long kisim sponsasip long ol praivet kampani. Olsem na PNGRFL i mas lukluk long ol dispela hevi bipo em i askim ol liklik senta long baim afiliesen fi hariap.

Dispela kain pasin PNGRFL i wokim i ken bagarapim ragbi lig gem insait long kantri. Planti gutpela pilai inap lus tingting long pilai ragbi lig sapos i no gat wanpela gem i kamap long dispela yia.

Unage i askim PNGRFL long senisim tingting bilong em na givim sans long sampela liklik senta. Em i laikim PNGRFL i givim sampela taim gen, na ol bai traim long painim sampela mani long baim afiliesen fi.

Sampela ragbi lig pilai long Wau i laik save sapos ol inap pilai long dispela yia. Bihain long ol i harim PNGRFL i stapim ol long pilai bikos ol i baim afiliesen pastaim long taim PNGRFL i makim.

Nau yet Unage i askim ol tim long painim mani na rejistaim tim bilong ol wantaim Wau/Bulolo lig. Ol bai pilai ol gem, maski PNGRFL i stapim ol.

Rijonal soka pundaun tasol Momase paia yet

i kam long pes 24 ol i no klia yet long wanem hap stret dispela resis bai kamap long en.

Tonamen Dairekta bilong Momase Rijonal Soka Asosiesen, John Peka i tok em i tingting long kamapim dispela resis long 14 Epril. Bikos long dispela taim bihainim soka kalenda bilong PNGFA, no gat wanpela bikpela kik resis o samting bai kamap. Olsem na i gutpela sapos resis inap kamap long dispela taim.

Na long redi long dispela bikpela rijonal sempionsip, Peka i askim tu olgeta senta long salim tupela mausman bilong ol i kam long kibung long Sarere, 20 Februari long Madang.

Em i tok wan wan senta insait long Momase rijon i gat tupela tim. Ol dispela tim em Morobe, Morobe Kantri, Madang, Madang Kantri, Wewak, Wewak Kantri, Vanimo na Vanimo Kantri.

Na em i laikim olsem long wan wan tim i mas gat

tupela mausman bilong ol i kamap long kibung.

Peka i tok long dispela bung, ol bai toktok long tupela bikpela samting. Ol dispela samting em:

- long makim ol nupela man bilong lukautim opis; na

- long toktok bilong dispela Momase rijonal tonamen (ples na taim bilong holim sempionsip).

Em i tok, "Long kibung bilong PNGFA long Goroka, ol i tokaut olsem wok bilong rijonal soka nau i stap long han bilong ol wan wan rijon yet. Na mipela long Momase i no laikim dispela resis i pundaun.

"Olsem na em i bikpela wok bilong mipela long strongim yet dispela resis long go het."

Em i tok tu olsem, "Mi gat bikpela bilip olsem long Momase, mipela i as na i gat bikpela strong long pilai soka. Em i bun bilong mipela. Olsem na mipela i mas strong long holim na kirapim ol wok bilong dispela pilai long olkain we nabaut."



• Wanpela tim bilong Hohola op sisen ragbi lig resis.



NCD PUBLIC SERVANTS SOCCER ASSOCIATION DRAW

DATE: SATURDAY FEBRUARY 6TH 1993:

Week 15:

Time	Fixture	Division
8.00	Justice vs H/Affairs	Men
9.10	Justice vs DCA	Women
10.00	Lands vs Taxation	Women
10.50	Lands vs POSF	Men
12.00	Education vs Health	Women
12.50	Education vs Labcis	Men
2.00	PNGBC vs P/Minister	Women
2.50	H/Affairs vs Works	Women
3.40	PNGBC vs P/McGregor	Men
4.50	NBC vs Health	Men

SUNDAY FEBRUARY 7TH 1993

8.00	DPM vs CMB	Men
9.10	DPM vs Teachers	Women
10.00	NPF vs Housing	Women
10.50	NPF vs Uni	Men
12.00	NBC vs Elcom	Women
12.50	Teachers vs Elcom	Men
2.00	PTC vs Labcis	Women
2.50	H/Board vs Uni	Women
3.40	PTC vs Works	Men
4.50	H/Board vs Natres	Men

Bye: DCA (Men)

OL WOK RIJONAL SOKA I PUNDAUN ...Momase laik redi nau long sempionsip

FRANCIS ULIAU i raitim

WOK bilong lukautim na kirapim soka insait long ol rijon nau i stap long-han bilong ol soka long dispela hap yet.

Tasol i luk olsem laik bilong

rijonal soka long kantri i pundaun nau. Tupela rijon tasol i strongim yet dispela resis em Momase na Hailans.

Presiden bilong Papua Niugini Futbol Asosiesen (PNGFA), Peter Mommers i tok ol lain long Niugini Ailan na Papua rijon i no soimbikpela laik tumas

long kain resis olsem.

Long dispela as, ol eksekutiv bilong PNGFA i bin bung na rausim wok bilong rijonal soka tonamen long han bilong ol. Na lusim dispela long han bilong ol wan wan rijon yet sapos ol i laikim kain resis olsem long go het.

Long Hailans rijon, Mommers i tok ol bai holim long mun Jun long Simbu. Dispela em sapos i gat fil bilong pilai soka. Sapos no gat, ol bai holim Hailans rijonal soka sempionsip long Hagen.

Long Momase rijon, dispela resis bai kamap long lsten wiken. Tasol i go moa long pes 23

Lae soka gat nupela eksekutiv

LAE Futbol Asosiesen i gat ol nupela man gen bilong mekim ol woksoka insait long siti. Na dispela ol lain bai lukautim opis stat long dispela yia i go inap long sisen ipinis long 1995.

Tupela i nupela, wampela i olpela na narapela fultaim wok bilong jenerel seketeri i stap nating yet.

Ol pela presiden, John Peka i kisim gen wok bilong em long bipo olsem presiden bilong asosiesen. Na man husat i winim sia olsem namba tubilong Peka em Bonnie

Sunnga. Man bilong lukautim ol wok mani bilong asosiesen nau em Moses Demas.

Peka i tok sia bilong jenerel seketeri tasol i stap nating yet. Bikos dispela em i fultaim wok na ol lain husat i laik holim dispela wok i mas raitim pas na aplai i go long ol eksekutiv.

Dispela senis long ol wok samting i bin kamap long 21 Oktoba, 1992 taim Lae Futbol Asosiesen (LFA) i holim kibung bilong en.

Presiden i tok long dispela kibung, ol i bin

paitim tok tok tu long LFA soka kalenda bilong dispela sisen. Na bihain ol i oraitim planti samting long kalenda.

Las de bilong baim ol afiliesen fi bilong ol klap em long Sande, 14 Februari. Na long Sarere bilong 20 Februari, ol namba wan pilai bilong LFA Kap bai stat.

Pekai tok, "Emi bikpela samting olsem ol memba bilong LFA yet i oraitim dispela soka kalenda. Olsem na ol i mas bihainim na no ken traim long painim ol kain kain rot bilong pasim ol

samting i stap bihain."

Fi bilong wan wan tim em K50. Ol pilaia bilong olgeta divisen long anda 16 i go antap long ol sinia bai baim K15.

Long dispela mani bilong pilaia fi, K4 bai go long rejlistesen fi bilong ol pilaia long nesenei soka bodi, Papua Niugini Futbol Asosiesen (PNGFA), narapela K4 bai go long fan bilong LFA skwat, na las K7 bai go long ol edministresen o wok bilong ranim Lae Futbol Asosiesen.

Peka i tok em i laikim olgeta 13 klap bilong las yia long kamap gen na rejistaim ol yet long 1993-1994 soka sisen long Lae.

Long ol narapela samting long wok bilong soka long Lae, Peka i tok olsem olgeta sia bilong ol wok soka long anda 19, wimens na sinia skwat i stap nating.

Na husat ol lain i ting olsem ol inap mekim ol dispela wok i ken raitim pas na salim i go long ol eksekutiv i lukautim wok bilong Lae soka long dispela yia.

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.



NCD pablik sevan...Dispela susa bilong Lands i brukim stret bun wantaim blrua bilong em long Labcis. Lands i bin kamapim gutpela pilai na i stap antap yet long lata bilong Mosbi pablik sevan soka resis bilong ol meri.

BENSON & HEDGES SOCCER

INSAIT

• Vipers go long Sidni...p21

• Vanimosoka fainal...p23

• Ol meri Wantok strong...p22

• Wau Bulolo ragbi lig...p23



Madang Wota Bot paia...p22

• Kokopo tim bos Kavieng sofbsal...p23

• Nupela Wau spot asosiesen...p22

Ol Simbu redi long 1993 soka sisen...p22

Spak Maik



BAGA NOGAT WOKABALIT TASOL I GO KAMAP LONG HAUS... LEK BILONG EM I PAIA STRET!!!!



NEKS DE, DRAVA BILONG PALAMEN I GO KISIM EM LONG HAUS...



SANS, YAH!... EM RON TASOL IKAMACIT NA KALAP LONG KAR...



KLOSTU EM I LET LONG NAMBA TU SINDALIN BILONG PALAMEN...



EM RON TASOL I GO INSAIT LONG HAD PLES OL SEKURITI I SANAP...



KLOSTU DUA BILONG LIFT I PAS TASOL HARIAP TRU MAIK I SUBIM LEK BILONG EM I GO INSAIT...



Rebo



APINUN NAU OLGETA I TAIED TRU NA OL I STRETIM OL SAMTING, KALAP LONG KAR NA OL I GO BEK



KRISMAS NA NIUYIA I PINIS... OLGETA I GO BEK LONG WOK... LONG OPIS REBO I PILIM LES TRU...



EM KIRAP NA RINGIM SEKETERI BILONG EM NA TOKSAVE...



NAU EM TANIM SEA NA EM SILIP...



TASOL REBO I LUS TINGTING OLSEM OLGETA YIA LONG JENLIARI, WANPELA INSEKTA LONG HET KWATAS (POTMOSEBI) SAVE KAM NA INSEKTIAM BENK BILONG OL...



SEKETERI LAIK TOKIM EM TASOL INSEKTA MAIK I WOKABAUT TASOL I GO LONG OPIS BILONG REBO...



Kubota

KUBOTA Corporation

* GENERATORS * WELDERS
* WATER PUMPS * BRUSH CUTTERS
POWERED BY RELIABLE KUBOTA ENGINES.

ALL MADE TO YOUR SPECIFIC REQUIREMENTS

GENERATORS	WATER PUMPS	WELDERS	BRUSH CUTTERS
<p>PETROL</p> <p>AV 650 450 WATTS</p> <p>AV 1600 1200 WATTS</p> <p>AV 2500 1800 WATTS</p> <p>AV 3800 2800 WATTS</p> <p>AV 4500 3100 WATTS</p> <p>DIESEL</p> <p>ASK-R130 2100 WATTS</p> <p>ASK-R150 3500 WATTS</p> <p>ASK-R180 5600 WATTS</p> <p>ASK-R3100 7000 WATTS</p>	<p>PETROL</p> <p>KGP 20E</p> <p>KGP 30E</p> <p>DIESEL</p> <p>KDP 30E</p> <p>MAX CAPACITY PER MINUTE</p> <p>530 LTR.</p> <p>1000 LTR.</p> <p>1200 LTR.</p>	<p>DIESEL</p> <p>FS 250B</p> <p>AMPS</p> <p>250 DC</p> <p>AMPS RATING</p>	<p>PETROL</p> <p>D120</p> <p>D 220</p> <p>D 320</p> <p>BLADE TYPES</p> <p>NYLON CUTTER for soft and low weeds or grass.</p> <p>8 BLADE CUTTER for hard weeds or grasses.</p> <p>SAW BLADE for smaller bushes and branches.</p>

For further details contact NABISA on Ph: 25 5411.

After Sales Service and Spares is our Speciality.

Brian Bell Stores

■ BOROKO 25 5411 ■ LAE 42 1433 ■ GOROKA 72 1098 ■ MT. HAGEN 52 1999 ■ RABAU 92 1966

A MAJOR SPONSOR



9th SOUTH PACIFIC GAMES PAPUA NEW GUINEA 1991


Musik Televison na Komik

PNG TOP 20

AS AT 30/1/93

NO.	SONG	ARTIST
1 (1)	Ailan Bilong Mi	Shutdown
2 (2)	He turned My Mourning	Sikal Kelep
3 (3)	Bilas Peles	George Telek
4 (8)	Krai Bilong Grasruts	Memehusa
5 (5)	Peace In PNG	George Telek
6 (7)	Iau Serious	Painim Wok
7 (4)	Sila	Memehusa
8 (12)	Swit Bougainville	Trouble Zone Band
9 (9)	Eni Mihae	Voice In The Wind
10 (10)	Namisali	Telek/Kuskus
11 (11)	Iau Serious Tam	Telek
12 (20)	Rowena	Barike
13 (19)	Pein Palavat	Kanai Pineri
14 (6)	Betty Betty	Rabbie Gamenu
15 (15)	Mi Save Wari Tru	George Telek
16 (14)	Imuty Lele	Rabbie Gamenu
17 (17)	Dust Over Rabaul	John Wong
18 (13)	Hanka Lareva	Basil Greg / Aida Paska
19 (16)	Feio Fasai	Lamaika
20 (0)	Doram	Telek

• Ratings based on requests on Radio Kalang and not cassette sales.



□ LOGEN OLAPI

EM TV

THURSDAY 4TH FEBRUARY, 1993	TIME	PROGRAM	TIME	PROGRAM	
5.27	STATION OPEN	4.00	KIDS KONA	7.30	THE ADVENTURES OF SEASPRAY (G)
5.30	ITN NEWS (G)	4.30	FAT CAT (G)	8.00	FOCUS (G)
6.00	TODAY SHOW (G)	5.00	SCOOBY DO WHERE ARE YOU	8.30	A RACE TO SAVE THE PLANET (G)
8.00	STATION CLOSE (G)	5.27	TEENAGE MUTANT NINJA TURTLES (G)	9.40	RUGBY LEAGUE INTERNATIONAL SEVENS
2.57	STATION RE-OPEN	5.29	EMTV TOK SAVE	11.40	NATIONAL EMTV NEWS (Replay)
3.00	KIDS KONA	5.30	HOME AND AWAY (G)	00.17	MEDIATION WITH PASTOR WALO ARNI
	SESAME STREET (G)	6.00	NATIONAL EMTV NEWS	00.20	STATION CLOSE
4.00	FAT CAT	6.30	A CURRENT AFFAIR (G)	SUNDAY 7TH FEBRUARY, 1993	
4.30	SCOOBY DOO (G)	7.00	NEIGHBOURS (G)	8.47	STATION OPEN
	WHERE ARE YOU	7.25	CHIN H MEEN SUPER-SOUND NEW RELEASE	8.50	MERCANTILE MUTUAL CRICKET (G)
5.00	TEENAGE MUTANT NINJA TURTLES (G)	7.30	RUGBY LEAGUE INTERNATIONAL SEVENS	12.00	ALL STARS TO THE RESCUE (G)
5.27	EMTV TOK SAVE	10.00	NCDC NEWS	12.30	MERCANTILE MUTUAL CRICKET cont.
5.29	EMTV NEWS BREAK	10.10	FRIDAY NIGHT MOVIE: "Listen To Me" (M)	4.00	RUGBY LEAGUE INTERNATIONAL SEVENS
5.30	HOME AND AWAY (G)	10.57	EMTV TOK SAVE	5.00	NATIONAL EMTV NEWS
6.00	NATIONAL EMTV NEWS	11.00	NATIONAL EMTV NEWS (Replay)	5.30	RUGBY LEAGUE cont.
6.30	A CURRENT AFFAIR (G)	11.27	MEDITATION WITH PASTOR WALO ARNI	6.00	NATIONAL EMTV NEWS (G)
7.00	NEIGHBOURS (G)	11.30	STATION CLOSE		
7.25	CHIN H MEEN SUPER-SOUND NEW RELEASE	SATURDAY 6TH FEBRUARY, 1993			
7.30	WHO'S THE BOSS (PGR)	8.47	STATION RE-OPEN	6.27	CHIN H MEEN SUPERSOUND
8.00	ALL TOGETHER NOW (PGR)	8.50	MERCANTILE MUTUAL CRICKET	6.30	WONDERFUL WORLD OF DISNEY (G)
8.30	THE GOLDEN GIRLS	10.30	SKY ROCK (G)	7.25	EMTV TOK SAVE
9.00	MARRIED WITH CHILDREN	12.00	GILLETTE (G)	7.30	TBA (G)
9.25	CHIN H MEEN SUPER-SOUND NEW RELEASE	12.30	MERCANTILE MUTUAL CRICKET cont.	8.30	SUNDAY NIGHT MOVIE: "Lightning The White Stallion" (G)
9.30	HEY DAD (G)	5.00	MY PLACE, MY LAND, MY PEOPLE	9.55	CHIT CHAT WITH SIR PAULIA MATANE
10.30	NATIONAL EMTV NEWS (Replay)	5.30	RUGBY LEAGUE INTERNATIONAL SEVENS	10.00	RUGBY LEAGUE INTERNATIONAL SEVENS (Full Replay)
10.57	MEDITATION WITH PASTOR WALO ARNI	6.30	NATIONAL EMTV NEWS	00.00	NATIONAL EM-TV NEWS
11.00	STATION CLOSE	7.00	RUGBY LEAGUE INTERNATIONAL SEVENS (G)	00.27	MEDITATION WITH PASTOR WALO ARNI
FRIDAY 5TH FEBRUARY, 1993				00.30	STATION CLOSE
5.27	STATION OPEN				
5.30	ITN NEWS (G)				
6.00	TODAY SHOW (G)				
8.00	STATION CLOSE				
2.50	STATION RE-OPEN				
2.52	CHIN H MEEN SUPER-SOUND NEW RELEASE				
2.57	EMTV TOK SAVE				
3.00	KIDS KONA				

RAUN BILONG SUZ NA UKI wantaim CHIEF

ROT-BLOK NA CHIEF I TINGTING PLANTI...

HEY?! DISPELA DIKAI INO KAM NATING NA PUNDAUN LONG HAP!

NAU TINGTING BILONG EMI KIA...

AHA! NAU MI SAVE OL RASKOL I BLOKIM ROT.. OL I LAIK ROBIM OL MAN!

CHIEF I SAVE PINIS... EM I KIRAP NA GIVIM SOT-KAT...

HA! HA! HA! OL RASKOL INO SAVE OLSEM SUZIKI CHIEF SAVE SOT-KAT LONG BUS TU, YAH! ENITAIM!!

HEY?! KAR YAH IGO, WE? MI TING EMI KAM YAH!

MI NO SAVE TU YAH! PAS-TAIM MI UKIM KAR I STOP LONG HAP!

OL I KIRAP NOGIT OLSEM CHIEF I BRUKIM BUS I KAM LONG BAKSART BILONG OL...

WAO!! OL I STAP LONG BAKSART, YAH! YUMI TEK-OFF!!

SANAP NA MI KRINGUTIM YUPELA!


IGO MOA NEKS WIK!



SALIM TOKTOK I GO LONG NARAPELA YU LAIKIM TUMAS




LONG **K5** TASOL



RAITIM TOKTOK BILONG YU LONG DISPELA SPES NA
BRINGIM I KAM LONG WORD PUBLISHING

OLGETA TOKTOK BAI KAMAP LONG 11 FEBUARI.

KAM LONG
WORD PUBLISHING
O RINGIM LONG
TELIPON NAMBA : 25 2500



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.